



李文恭公文集





李文恭公文集卷三目錄

湘陰李星沅石梧著

男  
石梧  
編次  
  


駢體文

寄蔡雲帆明經書

上陶雲汀夫子書

上陶雲汀夫子書

上陶雲汀夫子書

李文恭公文集 卷三目錄

上李海帆先生書

復李海帆先生書

復宗蓉舫明府書

謝楊芝樵啓

索楊芝樵醃肉啓

謝林小牧啓

譚醒漁詩序

秦半魯春燈曲序

寄蔡雲帆明經書

柯亭識曲。一椽枯竹之聲。湘浦懷人。千尺桃花之水。雖  
長陽小住。曾寄桐吟。而子墨相將。難紓菼溯。憶自里門  
賦別。予今百有餘日矣。先生以白紵之清才。入紅蓮之  
幕府。揮虎頭之妙筆。攬鷁首以豪吟。幾點君山青。到巴  
陵之酒。三吳帶水碧。環揚子之江。渡黃天蕩。以開胸。駐  
白下城而覽古。問南朝之金粉。花柳依然。望北固之樓  
臺。人家何處。春晴瓜步。飛來一幘雲烟。海國糧艘。擲出

李文恭公文集

卷三

駢體文

一

半船書畫。箏笛徘徊於京口。河流躑躅於津門。古之人  
少文臥游。元武散逸未足多也。况復強臺直上。健弩更  
張。踏曉月於蘆溝。訪晨星於燕市。舊游歷歷。驅繞策以  
重。過前路茫茫。仗祖鞭而猛著。陳思云飛軒絕迹。一舉  
千里。先生有焉。星沅懶勝嵇康。迂同辛大。當硯田之就  
廢。唯磬室之徒懸。酒處囊自沉。毛生而伏櫪。獨逢伯樂  
借齒牙之餘慧。教咫尺以驂駒。至於贈別。驚心臨歧。握  
手聽排衙之譙鼓。擘炬生愁譜。曼曲於陽關。柳枝忍唱。

此固因緣之數合抑惟意氣之交深由是山河伊阻日  
月不居鳥戢翼於桐枝魚散芳於萍沚佛國曾栽之樹  
香雨能飛良工手種之花東風解惜蓋自琴尊東閣許  
隨從事之班兼之裊帔西華卻憶故人之子每當曉衙  
官散畫閣燈涼或凭闌以指天星或聚米而陳地勢或  
縱談人物冰鏡同清或細意推敲宮商代酌旣朱墨之  
附近始白黑之微分斯卽裏糧而與游亦負笈所深願  
也惟是故土可懷小人有母諶閣豈忘憂之地桃源非  
李文恭公文集 卷三 駢體文 二

久住之家當此細草成茵雜花生樹剩雙柑之斗酒怕  
聽鶯啼書七字以緘封難憑雁寄遲鄉關之消息悵心  
緒於離居未免壯思銷沈幽懷膺亂殷深源之鄭重翻  
達空函曹不興之靈通偏多誤筆撫芳華而自惜感知  
遇以難償覩絳霄之卷舒念朱絃之逸響此日倚樓南  
望彌思良友於停雲何時翦燭西窗共話巴山之夜雨

上陶雲汀夫子書

星沅久睽溫霽飭荷厪垂當三易寒暑之餘猶兩奉招  
徠之諭方幸慈暉重謁進下士以輸忱俄聞吉語遙傳  
指上游而移節行行且止惓惓難忘前雖專達魚函究  
未暢申繭思夙蒙鑒宥用再縷陳竊以威鳳來儀鷓鴣  
隨而羽戢扶桑始旦葵藿向而心傾凡伊擇木之倫共  
切晞陽之想若雲龍絕跡靡有常規將風馬追蹤迄無  
定所維我中丞夫子大人望崇一德遇協六符民奉以

李文恭公文集

卷三

駢體文

三

父母稱帝倚爲左右手乞畱恂於茲宇百族攀轅問迎  
伋以何年八方企踵星沅懷仁若渴慕義如羶神飛皖  
國之樓目送漢川之棹倘片帆甫卸而雙纛先馳茂舍  
之蔭猶濃膜拜之聲迭起或擁旄晉嶠界畫并梁或建  
鉞江寧路懸吳楚進則旅資莫給退則井養終窮借義  
日以經天鄧林化杖凌仙山而策澥弱水迴舟雖斯愛  
斯傳不知信否而倏遠倏近敢卽行乎此星沅之不果  
來者一也或者又謂子路從而後未遑止宿之區顏氏

瞻之前卒承善誘之訓星沅景行自矢就正良殷但遂  
樞趨豈艱跋涉矧勳名之超越徧輿頌以掄揚胡爲臆  
頌是憑遽爾臨河而返然而踐春間之約則已踰臘底  
之期合賓榻不爲徐懸恐主幕只堪却入圖新匪易舍  
舊無辭歌相府以裴徊爭誇淥水惜夫容之遲暮肯怨  
東風勢必小住爲佳細流不擇謬席珍而待聘享敝帚  
以求沽倦鳥投林一枝安託啼鳥繞屋三匝何依爰謀  
蚊睫之巢頓益豬肝之累縱得眊眊成飾咳唾生珠而

李文恭公文集

卷三

駢體文

四

遠挹西江幾等枯魚之銜索甘辭北海孰容厲翮以搏  
霄此星沅之不果來者二也或又謂數仞宮牆昔窺美  
富萬間廣廈今許激昂列春官桃李之門樗薪足貴出  
宰輔參苓之籠洩渤皆珍似無難引巨浸於硯田采華  
腴而筆耒度居高臨下之勢受博施濟眾之偏卽在星  
沅爲無厭之求而在吾師仍不費之惠豈知三旬九食  
旣飽旋饑一暴十寒能生亦罕轉瞬賓興之典驚心服  
闕之晨素鞞當除朱衣預祝雖適彼樂土何待來年而

復我邦家曰爲改歲桃花源好訝漁父之思還桂樹山  
幽悵王孫而招隱始欣啖蔗忽類擅苗虛種植之初懷  
徒萍蓬之增歎雕梁乍孰將歸題去燕之襟泥雪空畱  
到處印飛鴻之爪此星沅之不果來者三也且夫來而  
不果來者此日之遷延不果來而來者此衷之嚮往星  
沅才原鴛鴦詎希伯夷之知質比磻多誠貽君子以賤  
撫鴻毛其未遇覺龍性之難馴誓屈首以研經則飢同  
臣朔強低眉而袖刺則懶勝爾衡忝邀顧恤之隆永矢  
李文恭公文集 卷三 駢體文 五

服膺之懷鼇戴石而彌形其重鉅馳河而漸測其深科  
第羞人負青雲之期許飄零故我剩白撰之經營高厚  
未酬感慚愈集冀假背城之戰載登選佛之場幸而蟾  
窟霏香鹿鳴奏雅固宜摳衣函丈撰几軍門度鴛繡之  
金鉞訪鴻渠之玉律至若擲揄康了瑁璪依然是直羅  
隱之更生漫擬劉蕡之逸事亦惟有羸膝履躄遲槩提  
鉛附卿月之末光仗福星而造命分千嶽一葉之影立  
被濃陰滅四溟數滴之泉便滋甘雨斯則星沅所反復

圖維而無以易者也不敢請耳固所願將終身接警效  
之親雖欲從之亦末由惟至道極仰鑽之境匯蒸湘而  
浣筆難寫恩波削竹簡以摘詞稍紆結轄

李文恭公文集

卷三

駢體文

六



上陶雲汀夫子書

歲前拜肅復箋聞有述職之請迄未達也數於餘山方伯處敬聆彤駟往復備極恩榮輒以手加額爲抃慶者累日竊惟古皇之敬大臣也恆逾於體羣臣而公輔之酬異數也尤艱於酬常數如我夫子大人誠孚帝鑒九重前席而咨利溥仁言八方舉踵以聽膺十二辰之書接陳數大政於對颺喜溢天顏甘分玉食惟天子待重臣如友故收不世之奇勲惟吾師治國事如家故荷非

李文恭公文集

卷三

駢體文

七

常之恩遇主聖臣直益贊舜兪揚拜之隆近代未有方今載宸謨而宣化旋節府以頒春秩晉封圻名尊柱石綸扉枚卜萬口同聲星沅蹈德詠仁固無事諛詞之善禱而持盈保泰妄思效警誦之愚誠蓋受者之榮不如聽者之豔而親者之分不如忌者之深故物望有攸歸卽觀聽之所屬抑主知有特眷卽媚嫉之所開伏願夫子大人愛身如愛國省事以省心大美不居爲禹臬之推讓宏施莫究如川嶽之深慈惠以宅羣生而需之

饜飫果確以肩鉅任而析及精微集益於眾思有定見  
非有成見運意於法外不矯情終不徇情謙從之役綦  
嚴猶防蔽於近習夤緣之路皆絕又恐售以微長故舊  
無少遺必相約以準繩無開倚附聲威之漸本支有分  
潤必重戒以韜晦無負廣置田宅之名凡茲膚見所及  
窺悉爲盛德所包舉亦旣實心實政表當代之偉人允  
宜必慎必恭篤寵綏於晚節雖燭龍之耀豈借螢光而  
井鼃之鳴或諸鳳吹狂夫之言聖人擇焉此吾師不屑  
李文恭公文集 卷三 駢體文 八

采之葑菲而星沉必欲獻之芹曝也。自辱蒙慈訓十二  
年矣。學問功名一無所就。徒負師恩。近爲餘山方伯分  
司書記。爰因郵便附陳依悃。併上前槭虔叩道安。臨池  
惶恐。不知所云。

上陶雲汀夫子書

春律初調會修蕪問秋陽在望逾篤葵忱昨過裝池家  
伏讀大箸海運四律仰見夫子大人雲章抉漢元氣扶  
輪化險爲夷妙斡旋於日月功高不伐宏集益於山川  
先之勞之其難其慎邇稔河漕分治重運自可踵行變  
通在一時美利在萬姓襄平相國夙投鍼芥近卜盍簪  
有稷契之和衷無洛蜀之異黨上紆宵旰下奠黎蒸此  
三江之奇福洵四方所同慶也星沅備書自給學殖未  
遑幸附託於高枝悵在山之小草秦關徑窄范釜塵生  
養旣薄夫庭闈分彌慙於家督將過除夕寫終葵嫁妹  
之圖漸近中年益高密多兒之累轉瞬長安春早驚心  
舉子忙時迨未雨而綢繆恆不寒而慄慄深蒙覆幬重  
乞滋培遠憐原憲於繩樞坐致晉師之館穀視不眩而  
有穫筆非樹以能花雖循名核實事本虛糜而挹彼注  
茲義同周急被殊施於格外珍薄植於籠中拓清沼以  
依蒲魚游自樂增束芻於伏櫪驚馬皆雄庶幾六合輪

困瞻卿霽而無非慈蔭一條衣帶溯江水而不盡恩波  
千里蟻銜五中鵠跂

李文恭公文集

卷三

駢體文

十

觀齋正

觀齋

上李海帆先生書

夫秋皋霜警而豐山之鐘鳴天杪風噓而清河之樹應  
元感齊乎針芥同聲授以機緘況振丹鳳之九苞百禽  
整翼銜燭龍於萬丈四隩晞光韓荊州識等侯封郭有  
道望均霄漢若弗克見思何可支伏惟元氣扶輪帝心  
特簡宅七縣一州於衽席宣五禮六樂以甄陶崇巖宇  
於丹崖烟霾曉淨濯澄懷於鏡石冰鑑天開吏士輪忱  
氓獠頌臆始則黃童白叟爭迎細侯之車繼而袞衣繡

李文恭公文集

卷三

駢體文

七

裳私詠我公之什傳霖下尺龜兆回春伊鼎烹鮮雁戶  
飽德永之望慈父母恐挽鄧而不畱帝曰作朕股肱許  
借恂而難久靈鵲集而牙幢載建彤龍啟而絲綸式頒  
公之位遇日隆公之敷歷日遠矣星沅雙屈半生蟻銜  
寸埵石棧飛猿之路會上青天金臺市駿之區空歌北  
地學賈耕而自給投禰刺以何從聞司馬公之名震雷  
共震懷杜少陵之恥雲泥異塗乃荷采及菲葑寵之咳  
唾焦桐析爨審音而歎琴材古劒沈芒望氣而占星野

遠召郟超之入幕復乘殷羨以郵書雖淥水紅蓮未依  
相府墨鱗錦字尙在石城然而遲暮相逢珠已還而有  
淚拊勉交至續皆挾以無聲廣厦張而寒士顏歡醴酒  
設而穆生心醉昔卞和懷璞砒砒咸集於庭師曠調鐘  
笙等胥獻其技躍鞮寶於水面似識將軍奏晨風於樹  
間宛賡同調撮土之累秦岱蹄窪之趨滄溟道大羣歸  
表正影附嵇康命駕仍阻山陰之遊高惠神交欲訪夢  
中之路樓指鸞書南錫騶從北發行當樞衣道左執旌  
門下脩士相見之禮賦樂且儀之詩松塵徐飛參稀俯  
進星雲快乎先睹春風被於坐中邀一顧於風塵恩榮  
知己結三生之香火佛重因緣或者哲匠裁成不盡白  
鹿青牛之選庶令鹽車駑步亦隨丹蛻紫燕之英

復李海帆先生書

梅花隔歲先拜春風柳色未新倏浥朝雨快一識於萬  
戶飛片夢於五溪遠道絲絲流光鼎鼎候踰大夏思積  
小年忽枉惠存語長心重莊詠再四感極抃俱伏惟翊  
贊清時誠孚

帝賚隆名寵以銀管巍望繫夫蒼生夙蒞甌氓歡答海  
潮之響故紆宦轍重開衡嶽之雲來暮方賡去思又起  
地形天險出羣此材君明臣良知人則哲復畀以英蕩  
李文恭公文集 卷三 駢體文 三

特簡以奧區羌樹番煙端繡衣而直指叩牛笄馬詹羽  
轟而誠輸柏灌軒裳烏蒙仰軾

九陛且超遷不次三川咸舞蹈以迎古有貴鄉歌呼館  
陶攀泣者其楚蜀之謂矣星沉嘗以楚狂爲蜀客者也  
回首前塵宛在心目厚辱左顧難爲別離竟思攜三尺  
琴東一襲被騁壯遊而附鳳訪陳迹以磨驢於焉峽鑿  
髓靈浦沿魚腹進淵雲於十部坐李杜於四隅謁丞相  
一室上希開濟過君平卜肆歸問升沈熱腸欲然澆以

峨眉之雪俗胃如闕洗以錦水之波取支機石而還書  
薛濤箋幾遍主客之聲華藉甚山川之眼界曠如豈不  
軼題橋之侈談暢載酒之逸興也哉無如故土可懷小  
人有母帆隨湘而自轉林返哺以相依欲往從之是用  
不集行有日矣其何以堪惟當詔臥轍於塗止嗅鞞之  
輩願岷江萬里流入重湖指井絡八星近聯軫野載移  
玉節還鎮銅官我猶騎竹之兒童公撫憩棠之父老預  
操券契延伫旌麾載渴載飢且祝且跂至以行卷汚墨

李文恭公文集

卷三

駢體文

十四

獎假過情信善誘之循循益內顧而赧赧硯冰未解清  
晝間楮絃徽不鳴綠窗小病待繡平原之像遲賡雜佩  
之章蘭楮顰眉薑芽斂手蒲香近矣荃悻何如絳騶啟  
夫尊城白鵠竢於湘曲雲麓拱揖歡條續紛續珠咳於  
澗襟申萍逢以要約曾持牛耳交推南國之主盟寄語  
蠶叢敬接西方之生佛瑱詞上報伏祝珍綏



復宗蓉舫明府書

星沅識少丁鴻訛多亥豕窮居白屋兀守青氈廿六年  
蠹簡蟬編本持蠹而測海四千里蠶叢鳥道曾豪筆以  
依人自同驥阜之牛風塵溷跡敢立鷄羣之鶴月旦邀  
評乃高軒道出長沙下士幸通短刺接龍門之磬欬朗  
若披雲陳蛙部之詩歌慚非鏤月謬附同根之雅竟忘  
采菲之嫌自折柳河橋望雙旌而路遠想桃花潘縣刻  
寸楮以神飛茲者復承明府折節下交馳函寵召命阮  
李文恭公文集 卷三 聯體文 五

瑀爲記室廁谷永于籤曹孺子何人許下南州之榻正  
平列坐叨陪北海之樽以後進而作先生非嘉賓而親  
賢主乍奉公餐之厚意適如負笈之初懷惟是燕壘泥  
香久住烏衣門巷牛溲品賤亦充葯籠參苓被薰陶則  
坐承三年授句讀而交聯兩代人如鶴懶暫息羽以傍  
高枝客比鶯遷肯求聲而辭故侶雖廉泉讓水枯魚均  
可分蘇而舊義新情窮鳥仍須決擇甫同盟而方命徒  
顧影以增慙深維知己之恩敬進使人以拜譬置穆生

之醴酒未飲而情甘如吟白傅之詩裘不衣而心煖撫  
兼金之在笥趙璧同完感屑玉之相投陽春難和計庚  
郵其未遠待子墨以重宣此時入幕緣慳空悵芙蓉於  
涿水安得升堂選備竟成桃李於公門率著蕪詞藉鳴  
藿悃

李文恭公文集

卷三

駢體文

十六

謝楊芝樵啟

蓋聞意象生春爲良醫必爲良相指端造命能活國斯  
能活人世固有扶神農氏之奇蘊太倉公之奧青芝赤  
箭脩金液以昇華紫蠹紅鹽鍊銀丸而御氣受桐君之  
方術而輟底魚蘇登葛氏之門牆而堂前鱸集有如長  
沙楊君芝樵此其選焉芝樵逸情雲上雅抱淵沈瑯嬛  
游福地以題名細帙啓洞天而廣學爰於虛白之室旁  
覽岐黃之文以不談談非越人之妄越得先中中本盧

李文恭公文集

卷三

駢體文

七

醫之自醫巨眼如箕選東漢六徵之技虛心似竹奉南  
豐一瓣之香此吾友張子雲巖嘗爲余津津言之余固  
欽佩焉而未識也戊寅臘初患癱疾猝遇庸醫猥以蛙  
蒙之材投之虎狼之劑當是時也藥鑪冬盡紙帳春來  
驚爆竹以迴腸恍如秦鹿入蘆花而氣喘大似吳牛痛  
悔噬臍謁三醫而何處危親執手剩一線以相延阿母  
顧而恓惶少婦爲之嗚咽星沅亦無如何也除夕雲巖  
過予始以芝樵來視芝樵明鏡當胸智珠在手照人肺

腑歎叔寶之神清診我膏肓識仲宣之體弱爲擣龍宮  
之藥入社攢眉疑驅獺鬼之針燂湯滌臟陽回黍谷廢  
屢初飯胡麻脈續桃膠慷慨還貽嶺桂雖三生有幸應  
多香火因緣當九死無妨益信慈悲解脫此六一中大  
隱亦百五日奇逢矣嗟乎葉門鼓響恍聞疏越之絃雍  
社簫聲誰續廣陵之散橋何泉而有井雲化蘇耽杏何  
樹而成林山棲董奉歎良師之澤杳信妙道之傳訛又  
況皮相百方日迷五色夏蟲孟浪語冰凍以茫然社燕

李文恭公文集

卷三

駢體文

六

漂離問天高而曹若覓零星之活計吐舌生花索紙裹  
之家私蒙頭起草千金方之尙在六度法之已亡顧此  
雞羣俄驚鶴立聊爲犬繫便見蛇飛怒韓伯休名訝長  
安公子訪皇甫謐書傳元晏先生喜瘦腰之沈郎識解  
鷓之彭老將今吾之依傍俾故我以安全惟是巧不如  
人辛太邱拙將焉治窮將入骨陳孺子貧可能醫仰丐  
神鍼痛貽法灸此日丹砂秤藥人看劫後紅羊他時碧  
玉銜環我亦君門黃雀

索楊芝樵醃肉啓

昔陳思王製七寶之羹沈隱侯核九變之味蔡經擘麟  
脯以行酒虞悰切龍臠以霏香類皆勝地尋歡老饕共  
笑吟朋滿座大嚼能豪從未有日費萬錢力却垂涎於  
戶外珍羅八物自稱果腹之主人者也矧乃乾肉名腊  
束脯供修憑赤手以成功受紅顏之拜謝椒花易辣費  
玉腕之經營鹽性能鹹仗金閨之調變如彼易牙之味  
實爲美人之貽閣下自宜高敞瓊筵折書芳柬匪過屠  
門而快意直偕家釀以飛觴何乃秘以仙廚藏之內府  
豈伊曹齷齪我輩未能遠謀竟作陸游知當日本無骨  
相於是油蒸校尉糝熬將軍詣赤里門索紅虬脯必嘗  
異味請占他日之期歸遺細君尙待東方之割周姥與  
人同者公然今日膳夫楊君爲我分甘願進數行俎表

謝林小牧啓

春風一夜催開長樂之花小圃半弓新種寄生之樹瓜  
何爲而附葛苔何事而同岑蓋連抱與交枝物其有矣  
想異文而合愛禮亦有之維閣下之於星沅也詩書味  
洽香火緣深時遊珂里之門遂訂紵衣之雅方幸風塵  
知己念我友朋何圖日角奇童謂他人父倣北齊乾嬰  
之故事修東關嫁子之希聞雖不屬於毛滄父難生此  
子而有文在手佳兒適叶長庚託舊誼於鳶蘿情原松

李文恭公文集

卷三

駢體文

三

柏締新恩於螺贏事別螟蛉君如鮑叔分金取懷而予  
我學翟生兼愛執手以名客兒乃靈運之幼稱寄奴亦  
德輿之小字以似以續公然樂取於人同與同胞何用  
歸謀諸婦從此兩家過從卽罷齊呼百歲康強阿多漸  
老笑犀錢之利市此事無功分玉樹之光輝自他有耀  
盼得袞師長大當知則友其兄只愁濬仲超騰未信子  
仁若考甫添丁而自慰又抱子以交忻撫媵寄之掌珠  
重摩娑而頂資盪浮縹碧聊存傳鉢之心簪飾雲牙妙

稱和羹之手賜筠生而作字儷松質以常春觀茲鶴羽  
翩翻共羨林逋之子願爾龍文照耀肯云李嶠之兒

李文恭公文集

卷三

駢體文

三

譚醒漁詩序

夫白雪詞高刻羽今傳郢曲藍田署冷哦松古屬丞曹  
紀風騷則屈宋同鄉供獻詠則章岑列座咸識地饒勝  
境益產魁奇從來天造詩人半投間散楚北醒漁先生

侍郎之文孫而德齋司馬之哲嗣也生珥金貂齒  
牙編貝幼嬉蠟鳳頭角岐嶷元微之初日觀梅胃腸交  
映王景文晚風濯柳舖啜亦佳甫從外傳以游遂被聖  
童之目楹書口誦記臣朔四十萬言秘笈手鈔聚崔約

李文恭公文集

卷三

駢體文

三

八千餘紙人且謂雛鸞展翼便集丹邱神駿奔踉立呈  
紫廡矣既乃燕京振策鯉對趨庭賦工部北征向長安  
西笑當是時也烏衣儂從銀珮招搖車連孝若之茵戶  
擲安仁之果未免毬場跌宕珠塔縱橫鷄蹠鵝肪歷歷  
五侯之饌雉頭狐腋羅羅七寶之箱駐雕韉於柳鞦花  
殷敞綺席於金迷紙醉寇萊公之厠溷蠟淚盈堆甘輿  
霸之軸轡繪絲結采狀風雲於奢闊極烟月之俯張又  
況翡翠屏間蘼蕪堂下悵美人兮何處思公子兮無言



鴛牒三千散氤氳而結使鹿車五百搓歡喜以成丸往  
往蜜葉裁箋瓊枝照髻歎華年於錦瑟續舊夢於羅幃  
唾碧袖以痕消燕皆悽惋漬紅裙而魄化蝶亦勾畱彈  
指前因驚心陳迹無何芳韶東逝薄宦南來而先生已  
介然不屑也葫蘆問短誰云陸子才多鸚鵡詞工空見  
繭生刺滅五斗折腰而難耐一官屈首以何堪然猶荀  
令香熏夏侯筵啟紵質長沙之庫債帥酣呼錢羞杜老  
之囊酒兵角逐振笛而驚潮亂下持杯而喝月倒行鋸  
屑乍飛玉山欲醉碧海青天而外杳矣知音哀絲豪竹  
之餘蕭然感舊崔灑則王昌十五繁欽則約指一雙火  
漸收炎地難藏熱傲冬郎豔體寫秋士愁懷倚樂府以  
長吟擊唾壺而盡缺詩之作君之情也其能已乎僕萍  
蓬識面邂逅同心緣諦靈山證法和之香火夢吞丹篆  
認東野之須眉與休文伴終朝作平原游十日顧倚葭  
而自笑歌折柳以難禁舊雨三生春風一度展君少作  
益我遐思所願約己以繩觀道如尺閱繁華之小劫滌

流濫於么絃吹簫以學鳳鳴雌雄聲應按劍而韜虎氣  
鈎棘光鎔撫煬和抱德之衷究返樸還淳之旨偕宓琴  
而奏雅舉趙幟以張軍采庶子華擷家丞實從此胚胎  
漢魏一篇追正始之音矩矱高曾五世衍竟陵之派

李文恭公文集

卷三

駢體文

三

脚

脚

脚

秦半魯春燈曲序

千秋樂府清平傳李白之詞三日歌梁宛轉奏秦青之  
曲和聲依永由來尙矣我

朝自孔東堂洪昉思宗笠翁諸君類能擲竹調絲泛商  
流羽聽風聽水翻舊譜於霓裳鼓角鼓宮換新腔於天  
籟然而高唐地遠下里音多俳優雜而筵弄紛呈雄雌  
乖而葩華散列紅牙按拍顧幾誤夫周郎素面彈箏調  
未諧夫莘老非陽春之和寡抑句意之會難也吳中半

李文恭公文集

卷三

駢體文

三

魯秦君本風雅才得江山助家在洞庭明月湖水春濃  
詞如楊柳曉風屯田名著懶持手版脫略公卿偶仗腰  
纏敖游荆楚當此計然市隱雷義錢豪折陳券若山邱  
視孔方如塵土往往綺羅買笑蘭麝尋春浮大白以狂  
吟付小紅而低唱橫箏檀板赤鳳交飛流管青絲黃鶯  
細囀仿漢宮之連臂滴粉搓酥輸錦段以纏頭裁花剪  
葉雖較之旗亭把盞洛里盟詩不是過也未幾黃金散  
盡絳蠟燒殘判袂甘州移尊苦縣花有酒而慘淡月無

恨以裴回十年翠繞珠圍繁華似夢幾處歌樓舞榭太  
息如聞乃分北里之間情別訂西崑之善本時則星沙  
春早火樹花開霞飛閃電之窗煙鎖排衙之戟鰲山鳳  
輦燭天則綵燄千重兔月羊燈埽地則珠塵十斛指熱  
劫於九華筵畔演仙音於七寶屏間雁柱數行已定龍  
香之撥鴟絃一闕當新鳳羽之調人且撫時樣而攢眉  
對移宮而束手矣半魯約神通律選韻含商節奏授於  
口中鉤柱傳於指上製紫殿無愁之曲徑過行雲敞元  
宵不夜之城勾畱落月一唱而繁花亂下三終而貝闕  
齊明魚龍曼衍之辰銀簧串串神鬼荒唐之會金縷綿  
綿維時聽者忘疲觀者擊節柑酒之游累夕梨園之賞  
盈箱後詢知爲半魯填詞咸嘖嘖稱道不置此春燈雅  
劇所由作也嗟乎雲烟過眼總屬陳因泥雪畱痕重尋  
剩語今年冬月出原稿見示將錄而存之僕才非竹屋  
命少金星吹玉尺而唇寒按瑤嶽而手仙讀小令長篇  
之作比陽阿激楚之音用綴駢言聊當蚬和趁此夕紅

燈絲酒試操小海南來待幾時  
鍊撥銅琶高唱大江東  
去

李文恭公文集

卷三

駢體文

三



李文恭公文集卷三駢體文三

李文恭公文集卷四目錄

湘陰李星沅石梧著

男概  
桓編次

駢體文

王律清先生六十壽序

湯松亭先生六十壽序

勞母劉太安人七十壽序

賀母陳太夫人六旬晉二壽序

李文恭公文集

卷四目錄

一

張母支太安人六十壽序

聶母康太恭人八十壽序

陳雨峯鎮軍秋哨圖詩跋

吳瓊仙遺稿跋

請祀康太僕鄉賢祠揭

祭唐母王太恭人

王律清先生六十壽序

伏以青精飯熟霍山標元甫之都翠柏香深江水繞方  
平之洞數華宗於珠樹多列籍於金仙而况陰德耳鳴  
福緣心積指天上恆春之種善果氤氲殖人間益壽之  
禾情田慈鬱也哉恭惟王公律清先生系出太原世居  
章貢應鹿胎之奇兆證鶴踏於靈根幼卽岐嶷少而穎  
特冬溫夏清奉菽水以承顏仲海季江序萼樓而式好  
爰習儒林之業兼通貨殖之書辭百丈之洪岩香爐峯

李文恭公文集

卷四

駢體文

一

遠飛片帆於楚塞蘭澤春多地入長沙師依端木當計  
然之市隱早雷義之錢豪學周官九數之篇晨操算博  
卜晏子一廛之宅夜識金銀造物無私善人是富在恆  
情必且孰孔方之好工阿堵之謀秘李核於王戎訪蹲  
鷗於卓氏而先生視之淡如也心平似秤豈屑錙銖眼  
巨於箕何論齷齪黃鳥聚而仍散青蚨去以旋來慕馮  
謹折券之操敦魯肅指困之節西江可乞忍涸轍於枯  
魚東郭相逢願分枝於窮鳥鮑叔以賈稱穎上季布之

諾聞關中由是排難解紛卹災救患掬讓水廉泉而河  
潤施義漿仁粟以風噓脫綈袍以贈故人饋簞食以蘇  
餓者闡真詮於相法勿爽毫釐啟奧籥於堪輿先培心  
地結檀越而星名象剎普津梁而秋度虹橋志慷慨以  
好施體春容而持正雖古之義方守直康伯名高不是  
過也至若蘭齋花影朝朝懸榻以延竹屋書聲歲歲傳  
經有客比清寒於扈載等措大之生涯儻遇錢神將嘲  
乞相先生禮賢若渴重土踰山喻附近於朱藍慎交遊  
李文恭公文集 卷四 駢體文 二

於赤黑十艇爲束四簋必隆厚酬皇甫之謙徧置鄭莊  
之驛孔文舉尊開北海談藝雲飛庾元圭讌集南樓冲  
襟月朗洵古歡之夙締尤今世之所希自逾大衍之期  
雅愛空同之對許穆岩阿性癖結想三華向長婚嫁初  
完游思五嶽覺黃梁於支枕餐碧柰以充厨紫樞之窆  
千重丹竈之功百煉揖盧敖而把臂道德函開招曼倩  
以隨肩靈章秘顯所以茅龍齒齏單豹瞳方有桂父之  
鍊形本壺公之聚氣同悟轉輪於石火獨參妙契於煙



霞蓋自室有孟光眉齊鴻案老偕鮑姥手挽鹿車惟內  
助之相資斯外緣之漸少長君服義方之訓選俊鬻宮  
中郎賦英異之材績書家塾快婿偕占夫射雀諸孫預  
兆於摩麟五色迴翔篆吉祥之寶字一仁布漢蒸馘穀  
以熙春賓從羨爲德門宦侶式爲福宇今者子躔月建  
甲算年周花放梅梢綻瓊蕊於四照陽回黍谷添繡綫  
於五紋愛日舒長采雲粲爛萃象輦魚軒之彥慶溢瑤  
池此

李文恭公文集

卷四

駢體文

三

龍章鳳誥之頌喜盈釦碱星沅誼均子舍分列賓階側  
聞磬欵於升堂久挹丰儀於接座泛湘波而酌醴碧湧  
觥疊展嶽黛以濡翰綠環屏幃製月殿霓裳之曲贊金  
繩玉版之文採神芝於十二赤城獻火棗於三千貝闕  
從此籌增澥屋數必晉夫九齡允宜宴啟琳房圖更陳  
爲百壽

湯松亭先生六十壽序

伏以少微四星齡采翊文昌之府浮邱千級紺霞啟衡  
嶽之標則有心撰靈光耳鳴陰德載福輿而斟醴醪和  
飫春膏挹知水以種芝蘭香升天闕如我湯公松亭先  
生者奇兆鹿胎秀分鶴嶺喬柯仰其節概秋渚淡其風  
神當日手握元珠夢操古錦枕秘則瑯環徧歷八代雲  
披摛詞則河漢倒垂萬言泉湧丁甲交馳於腕下斗奎  
羅列於胸前人以爲少作崢嶸獨雄文陣名場轆轤直  
李文恭公文集 卷四 駢體文 四

上強台矣而先生愛日方殷怡雲自得青紫如芥白華  
在陬長懷戲綵之歡早任析薪之荷南圖北奮家事猶  
羈秋穫春耕田居親課篤孝弟以承堂構積詩書以比  
坻京廉泉讓水之間風薰三古順里敬村之化澤逮百  
年古之人如康成通德彥方端直何多讓焉先是所居  
湖垵相錯鄰壘大波瀾而小波淪水門洄注內隄強而  
外隄弱石限參差將高屋建瓴則彼爲澤國將中流砥  
柱則此亦潘陂久爲訟源儼成勁敵先生乃肇疏地利

規畫星池仿陳登鑿溉之方用王景圩流之法茨防竹  
樾旁開別徑於羊腸葦緝茭舉頓拓支渠於龍首千金  
鼎諾三載庀工極櫛風沐雨之勞分厓樹板通縱浦橫  
塘之別異口同源迄於今雀鼠無爭魚稻繁衍翼翼如  
也益陽夙多水患而辛卯尤亟時則荆門龍門萬壑雷  
奔羅國蛟飛重湖水立導資江而無岸撞東澧而有聲  
村落蛙沈坊庸糜擾縣官議平糴議煮賑皆固請先生  
董事於是左餐右粥露覆飢烏白叟黃童春回野苧守

李文恭公文集

卷四

駢體文

五

望而萑苻息警鉤稽而龠合均施蓋先生室廬亦在洪  
波巨浸中而不暇自計也許靖之推仁恕與九族共飢  
寒蘇瓌之策保安俾千室得存活溯茲敦行媿厥前徽  
宜乎泰山釀雲膚寸出爲霖雨荆石剖玉光氣上爲日  
星片甲分耀於虬鱗一枝揚芬於蟾魄海秋以金璧之  
品發山海之藏以龍虎之才際風雲之會精鷺八極氣  
凌九霄聯步以陟春官簪毫而襄樞院文章命達當世  
榮之然當鯉對晨趨蛭膏夜炳奉青箱而黽勉擲采筆

以蜚騰則固庭訓淵源楹書授受一字必衷諸古一藝  
必立之程今雖接武夔皋並肩鴛鴦猶復褻躬示範報  
國垂箴溫樹戒以不言亮節期於匪懈夫乃知海秋今  
日之學識與異日之功名皆先生之教爲之也又况驥  
子鑣連麟孫角起瑤環瑜珥寶聚五光繡祿錦綳花明  
十色善餘慶而瓜綿瓞系瑞紛呈而芝碱芸生亶乎人  
貌而天太和表裏者與星沆往客京華曾陪杖履側聞  
高誼遠奉球鍾屈茲周甲之期敬上生申之頌緋桃三  
月和天酒以染宮袍翠竹千竿繞雲廊而鳴仙樂象輦  
下黎收之拜百壽繪以全圖

鸞音錫重與之文

九陞稱爲老福

勞母劉太安人七十壽序

勞君辛階將以今年四月吉日爲慈闈稱壽於是上方  
載錦中使傳羹披蜀禩之袍戲萊衣而五色撤金蓮之  
燭照章幔以雙輝星沆謹拜手稽首而言曰福者備也  
備百順而豐總洵臻壽者酬也酬四德而坤禠烏奔粵  
自翠媯元扈名肇提蜚畫翟銀魚榮班冠紱柳仲郢位  
高九列九記和熊陶士行功在八州書留封鮮以今方  
古彤管齊徽恭惟年伯母劉太安人系出青藜慧鍾丹  
李文恭公文集 卷四 駢體文 七

麗月寫瓊璜之韻婉婉其儀風揚筐篚之芬蘋蘩載采  
始相莊於鴻案爰共挽夫鹿車靜好瑟琴註房中之樂  
府潔齊棗栗博堂上之歡顏一門矜佩夫柔嘉九族規  
撫其情懋迨我年伯立亭封翁耕硯爲田囊書入幕紅  
蓮淥水鴛鷺回旋白舫青簾燕鴻來去顧縫衣而密密  
攬別袂以依依天近心遙雲飛目駐太安人則蘭馨戒  
養護樹忘憂奉鳩杖以扶持進蠶纈而紉綴丹砂玉札  
延年儲藥裹之珍夏清冬溫愛日極華顛之樂故封翁

老客諸侯三十載而親舍歡娛無間也至若男錢女布  
綜畫星明魚騰鴉孃惠施春盎念情親之娣姒歎子影  
於嫋孀竹屋銅盤召諸郎而會食蘭缸鐵沓炳列舍以  
橫經織機戒中斷之絲脫瑱易先生之饌古云鍾禮郝  
法此之謂矣所以善心爲窮髡垂歡喜之雲嘉應如桴  
篆裊吉祥之字龍文麟趾子舍芳騰瑜珥瑤環孫枝秀  
茁侍食則香芹采進問安則玉筍班聯而辛咳標幟白  
眉倚裳青瑣蕊宮一曲丰儀競說華年雲海三山仙籍  
李文恭公文集 卷四 聯體文 八

榮排香案捧朱輪而側帽歸紫禁以懷櫻象笏盈牀鸞  
書積軸揆之崔邠導樂荀母從官其榮寵無以過也星  
沉以年家子而誼切歐韓非公輔才而游如房杜蚤肅  
登堂之拜飫聞宜服之休珥綵筆於西清幸聯蘭譜迂  
板輿於南國願接芳鄰值茲讌啟湘城歡延澥屋輝文  
昌於寶婺張采悅以宮花何當鞠脰帑鞬進四千里長  
生之酒從此添籌衍算紀八千年度索之春

賀母陳太夫人六旬晉二壽序

伏以雲開太華光盈玉女之盆花種小春采獻金仙之  
悅

九重綸綍鳳翥鸞迴萬疊袞斜珠明繡市珍禕烏奔珂  
韻鏘鳴雖原冲挹之懷無取鋪張之頌然而下伯符之  
拜誼篤升堂爲士行之賓愛均猶子於以摛華麟管播  
馥麝煤敷廣庇之慈暉奏先聲於隍引禮也維我

誥封安人賀老伯母陳太夫人毓秀潁川揚徽越峴珩

李文恭公文集

卷四

駢體文

九

璜式爲雅度蘋藻扇其清芬姆教順從女箴夙稟凡藝  
俎釁羹之職緇繩絃統之功纖悉不遺柔嘉維則其歸  
封翁靜軒老伯大人也篚筥有齋琴瑟在御黃卷青燈  
之側相敬如賓紅蓮淥水之餘承歡自任卽旨甘而養  
志善宛轉以怡顏當茲娣姒成行衿纓遞侍越羅楚練  
纂組合號鍼神雁羅鳧滌羹湯獨諳食性佩左峴右觴  
而進定省晨昏儲丹砂赤箭之珍料量藥裹高堂倚之  
如子諸婦奉以爲師竹母花姑望中閨而斂手鴉鬟龍

媪聆內則以傾心迨我太伯母嚴太安人以耦庚方伯  
迎養之任遂屬以家事焉維時蘭綺芝楣門高甲第男  
錢女布族聚丁繁出納則易漏卮準酌則難平秤惟安  
人手持全局心理婪絲黽勉醪鹽寬給衫門之稅調停  
旱澇平輸安邑之租戚郤被其風薰鄰里分夫河潤念  
丹雞之舊罔不通其有無卹蒼鶻之微未聞加以辭色  
一門之內雍雍如也然猶有難焉者蓋自封翁以詩禮  
名儒爲諸侯上客書倉無粟硯田不春一旦匱鏡先飛

李文恭公文集

卷四

駢體文

十

磨斧欲碎黃鵠之歌千古杜鵑之語三更安人則倚竹  
忘寒折筮示苦環諸孤而隕涕撫弱息以將雛髮影星  
沈篝火淒涼之夕書聲月落紡磚蕭瑟之秋斷齋而粥  
飯經營畫荻則蒲編投受典釵作贅截髮畱賓固未嘗  
一語及貧也宜乎仁心布濩慶輯寅階善氣氤氳穀賒  
子舍哲嗣虎師明府銀河浣筆錦段抒詞紹翰苑之家  
聲蜚英名於廩餼品齊圭璧望伉神仙甫飛鳥於關中  
卽捧輪於湖上問安清夜長懷戒石數言潔養白華但



飲廉泉一勺安人慈顏旣展諄誨益殷指天外之三峯  
勉崇亮節徧人間之萬口願聽循聲顧封鮓之書存聞  
活人而色喜輿歌載道銜牘常稀推愛子之誠以愛民  
本厲學之勤以厲仕所以樹慈惠之長奉母訓爲官方  
聯和樂之詩紀

國恩爲家慶仲嗣旣舉芳文囿季郎亦分隊名場壻快  
乘龍紫府丹臺之彥孫嬉蠟鳳瑤環瑜珥之資斯誠諸  
福備臻嘉祥總至延齡未艾種德無涯也已今者宴啟

李文恭公文集

卷四

駢體文

十一

琴堂籌添海屋萃同官而鞠脰賡益壽於護闈仰北棧  
之天高輝騰寶婺對西池而日永果熟蟠桃拜文宣以  
紗幔傳經佐法曲而瑯璈奏雅咸識六珈粲爛酒載酌  
夫千觥更宜八座起居

誥重頌夫

雙闕式宣洪熾允介長生是爲序

張母支太安人六十壽序

代

伏以雲護華鬢五色照鳴珂之第香霏蜀襪三春披舞  
綵之衣乃申青鳥以銜綦爰列斑龍而振耀桃實連緝  
夫琳宇萱花吐萼乎金閨調鳳律於諸天神仙按拍進  
鑿坡之法酒宮禁傳觴豈非福與慧全緣隨性善表碧  
蘿丹芙之眞籍崇翬章象服之懿音者哉維我支太安  
人系出尹邢門齊鍾郝甲宅則芝田十頃辛楣則蘭綺  
重栴絲泉組紉幼儀嫻夫姆教衿纓鞶表內則著爲女  
箴清修扇筐篚之芬詩揚蘋藻端雅協珩璜之度禮備  
棋榛年十七于歸封翁健齋太先生時則坐擁皋比庭  
開鱸集鄭廣文之官冷苜蓿秋肥韓國子之功勤膏油  
夜永太安人鹿車對挽鴻案相莊樂府奏於房中甘旨  
承於堂上鴛迴繡帙絲分書帶之春魚躍冰池白奉銀  
絲之膾蓋自越羅楚練巧合鍼神兼之雁臛鳧滷味勺  
食譜花姑竹母盡服其均平龍媪鴉孃羣推其敏慎佐  
指困之推解九族風和相秉鐸以薰陶一門雨潤撫孺

蕾於並蒂種玉樹以連枝慈惠交孚柔嘉維則林下之  
嶽劬矣刑于之化翕然夫何寶鏡先飛磨筭欲碎黃鵠  
之歌一闋杜鵑之語三更太安人茹蘖含辛折筮示苦  
星沈燈影添篝火以橫經月落書聲倚紡磚而課讀書  
荻則蒲編指授斷齏而粥飯拊搗勗負笈於名山典釵  
作費勉遷喬於伐木截髮畱賓于是儀廩蜚英鄩邠比  
駕墨瀋騰乎藝藪穎秀擢于文園長君曉瞻太史赤幟  
高鶩紅綾首宴入蓬山而簪筆宮錦剪榮望梓里以旋  
李文恭公文集 卷四 駢體文 三

鑣板輿迎養視膳而櫻頰

御苑悶安而燭撤金蓮天上春官半植門牆之桃李雲  
中紫極再膺殿陛之絲綸人以爲封鮓之貽謀和熊之  
美報矣然猶尊不忘恭貴而能儉太史偶一拜賜則詔  
以知遇之優隆偶一掄才則諭以科名之慎重惜物力  
以養福陳載籍以敦行嗅咻而臧獲懷恩調恤而戚聞  
普惠所以善心充益蔚成馘穀之宜佳氣因暹篆出吉  
祥之字仲嗣旣明經上貢雁序翀霄諸孫亦侍寢舍館

犀媒捧月他若乘龍之快婿悉徵射雀之奇資斯誠諸  
弟備臻嘉休總至鴻羨烏德門之慶燕喜賡壽母之文  
也已今者澥屋增籌綺筵周甲承鳳誥龍書之錫笏滿  
匡床萃鹿車象輦之英卮盈釗砌某等同居子舍久式  
女宗景采悅於萱闈獻眷講於鞠脰挹金臺之翠黛歡  
喜雲聯結閨苑之仙葩長生果熟屏環火齊絳帷啟而  
霞明簾卷水精蒼佩鏘而風韻咸識六珈燦爛樂載頌  
乎千齡允宜八座起居圖更呈爲百壽

李文恭公文集

卷四

駢體文

十四

聶母康太恭人八十壽序

代

蓋聞南嶽靈鍾七二峯位尊天姥西池果熟八千秋數  
紀金仙試研蓮葉之華載劈松紋之紙舒麟筆而圖披  
丹闕進麝糜而藻繪朱邱元都稱益壽之觴宮衣綵繡  
紫府晉長生之樂歌瑄瓏玲瞻象服於六珈用飾山河  
而增色仰翟禕於三髻允偕紉緜以流輝維我太師母  
聶母康太恭人者畫雉名門插貂貴胄脂田粉碓舊傳  
吉水之宗鐵巷銅街近識合江之里襟佩鏘而瓊琚式  
李文恭公文集 卷四 駢體文 五

韻聲絲結而組織稱神維內則之夙嫻遂于飛之始詠  
思樂而懷芹藻秀采鸞旂有齊以奉繁蘋徽流鴻案瑟  
琴宣其雅調筐筥發其清芬玉堂誌勉乎新聯朱蜜承  
歡乎中饋當此晨羞夕膳變理羹湯左悅右觴調停藥  
裏折釧而炊溫薪桂纜車而響軋機絲辛苦將雛哺嬌  
啼於子夜經營總角縫韋帶於丁年其時藻庭太老夫  
子刷羽鵬搏潛心鯉對績蕪柴之學不問米鹽讀漂麥  
之書遑云雞鶩鬻序之名益重閨房之助良多迺貢成

均旋膺鄉薦桂攀枝而馥郁柳彈汗而恫惶唱苹鹿之  
先聲階庭鳳翥聽喬鶯而志喜

殿陛鵷聯夫其坤德聿修閭儀克協贊一經而刻勵授  
七葉以專門仙禁傳臚西籍占鼇頭之選春官列爵戊  
科陪豹尾之班追我蓉峯夫子鈴院倚裳鑿坡比翼西  
園翰墨宛隨花萼之樓東壁圖書半屬梧桐之第簪纓  
影夫累鞞袍笏燦其重茵在恆情必且夸舞綵之榮侈  
登科之記而太恭人處之泊如也一官晝冷猶陳苜蓿  
之盤二月春濃預備棗糕之祀蓋太老夫子宦益譚經  
之日正蓉峯夫子試黔歸省之年銜綸綍於彤墀星期  
刻日收珊瑚於鐵網寶氣干霄以槐市之興居效蘭陔  
之眷戀雖廉泉讓水聊供甘旨之需而孟母班姑尤切  
義方之訓卽至黃盤雕錦壘拜

螭坳翠帶香羅屢頌

鳳閣載

恩光於篋笥供衣被於萱闈太恭人亦惟念

君賜之崇高珍之什襲勉臣工之報稱視此元纁洵可謂受寵不驚履豐若嗇者矣無何太老夫子鶴馭華陽蜺驂晉嶠絕輕塵而不返證夙諦以無言太恭人易繡而苦代幃以素環諸孤而隕涕指肯構以培基申教忠教孝之遺全事君事親之節一堂相戒三載於茲旣而蓉峯夫子復有督學西蜀之

命少城百尺持簞節以騶鳴采障五重御板輿而鵠俟特致牽衣之請仍畱入蜀之行遣一介以賫函詳千言

李文恭公文集

卷四

聯體文

七

而示勗所以緇林啟處坐滿春風冰鑑懸餘朗澄秋月有驪嶺之照海無魚目之混珠三面網開仁曲施於法外五丁峽闢奇盡露於寰中播信禾善米於經畝拾賸馥殘香於藝圃排筆陣而霾清灑頡頏導詞源而江決岷峨蓋至畱犢懷清懸魚表直疏墨池以宏結構澤永鶯湖解縹囊以贈儒林惠貽鴻簡凡吾夫子爲水爲衡之舉胥太恭人矢公矢慎之箴往者京圃世丈督學皖中

亦嘗寓書相示今出守嚴州康保黎元振興文教棠陰

小憩不名劉寵之錢穗秀兩岐載頌張堪之政皆一本  
太恭人之媿訓爲兢兢較諸授仲郢之參連九熊卒業  
卻孟仁之官物封鮒遺懲有過之無不及也蓉峯夫子  
自復

命瀛臺掄英書省課最而先上考書名以列御屏近復  
講幄依光經筵篤眷步履星辰以上迴翔斗柄之區尤  
徵懿德聿垂嘉祥總至赤芾而綏第祿絳紗以祝文宣  
也已至于棗栗惟馨梁盛告潔采件欽其淑慎煦嫗春

李文恭公文集

卷四

駢體文

六

容編戶被其祥和子諒布獲周卹而戚閭普愛撫摩而  
臧獲知恩厚衣食以拯飢寒施藥餌以蘇疾厄此又體  
悌之性成抑亦休嘉之感應他若王家四玉韓氏八絲  
寵遇極夫郊邴俊造侔夫達适雖若季江而仲海猶多  
劣虎而優龍孰與騏驥齊驅鳴鳩均一或金門通籍絺  
揚鴻鴻之章或寶鐸興賢冠兆蛇鱸之夢或飭廉隅而  
砥礪額煥

宸題或奉貢樹以芬芳首書蕊榜又况孫枝擢雋奕葉



岐嶷奉席瓜縣舍館竹立瑤環瑜珥種茁蘭芽綵羽銀  
鐙花勻綺錯文襟亦蟠虬之彥匡牀皆蠟鳳之嬉謂非  
德厚流光穀貽慶遠而能若是哉今者館啟恆春筵鋪  
內景澥屋進八旬之表錦堂羅百壽之尊碧莞黃蒲醉  
流霞於峴圃紫房青宇嚼甜雪於嶸州夏五靈石以啟  
瓊函彈八琅璈以摹琳篆按天上無愁之譜笑粲投壺  
賦人間難老之詩懽盈鞠臈某等情親丙舍迹阻庚郵  
願登軒碾以黎收敬借研箋而獻祝躔長沙于珠絡婺

李文恭公文集

卷四

駢體文

九

宿森芒注元液於瓶罍蒸湘酌醴佐法曲於金和玉節  
摘商華而露湛星明從茲

帝錫修齡合證菩提之寶樹咸識日升洪算永依黻佩  
之慈雲

陳雨峯鎮軍秋哨圖詩跋代

雨峯將軍鳳嶺按部虎韜練兵以募收之司辰循苗砦而勸俗時則沙兜煙紫盤剌天黃振旆臘耳之門弭蓋錫皮之堡夕陽如燒鞭絲颺以霜飛冷風欲鳴鼓角吹而雷動千隊之貔貅屏息三尊之鵝鷓聯翩固已憲度戎行盧牟疆圉矣至於鴟音鳩舌解誦詩書龍洞魚坡歡騰刈穫服斑文於裸壤薰牙旂以稻香黃收徧隴之雲鑱腰剝兕黑壓殘碣之樹椎髻盤鴉駸駸乎禮讓之李文恭公文集卷四駢體文

邦皞皞乎太平之象尤所難焉誰之力也夫國家教澤涵濡歲月以深其效而斯宇土風獠犷信義以牖其明將軍宣布聖謨洞啟誠腑馴師豹爲徒隸拓菁棘爲莊衢碧草赤蘭有望風之偃白巖烏引無跳月之邪五載於茲萬口同悅演陳圖於四奇四正中約法於八鎮八安惟敦詩說禮之餘視民苗無畛域故發聾啟聵之至視僕射猶父兄擁節湘城綏邊是亟揚旂秋哨並轡何時偶展畫圖附題儷語庶幾懸諸巢父葦崗花犵鳥之

情譜以蠻歌入銅鼓蘆笙之唱

李文恭公文集

卷四

駢體文

三



李文恭公文集卷四駢體文三

吳瓊仙遺稿跋

右詩賦駢體文一帙亡友吳子瓊仙作也憶子與瓊仙  
交始嘉慶丙子歲維時少年角逐青霞氣雄對宇衡棲  
綠楊春近軒袂文史之側倚裳瀟海之辰往往古硯磨  
秋殘燈照雨胡餅一器濁醪半壺喝明月使倒行刻君  
山爲平地長夜罵鬼齋鐘不鳴奇句問天呵壁誰語子  
善嘯瓊仙善哭凡三四年過從無虛日也迨己卯以後  
各被饑驅蹤跡稍稍疏矣然而峽雲嶺樹紙上淒清關

李文恭公文集

卷四

駢體文

三

塞屋梁夢中嗚咽黃鶴千里抱隻影於他鄉紅豆幾枝  
種相思於南國路遠而精爽如結會稀而乍見無言雖  
爲參與商偶爾出入而以膠投漆誰能別離蓋瓊仙於  
朋輩行子交獨久亦知之獨深也夫其侘傺於中齟齬  
所遇量愁以億萬千斛扶病於三百六旬白眼傲睨欲  
殺欲割青衫掩泣如怨如癡水則蛟龍蹴波陸則虎豹  
拏攫晝則含沙射景夜則罔兩匿魂時數之奇罕有儷  
者重以家難忧心殷恨次骨馮敬通之坎壈徐文長之

伴狂藥曰繩牀僧寮耐冷蠶絲蠟淚綺語橫陳坐六張  
五角以纏身借醇酒婦人而祈死人非金石何以堪茲  
子數寬譬焉而瓊仙不顧也於虛已矣所爲詩文不自  
收拾時或蘭芷升香椒櫞未翦蛟螭對舞虹蜺與偕至  
其意匠旁皇思徑俶詭鑿險金牛之道繩幽珠蠟之淵  
洵足張楚孤軍建漢赤幟開府之花濃雪聚昌谷之石  
破天驚不是過已悲夫瓊仙生前心血身後子孫賸馥  
零星幾人同調荒原宿草兩度清明日薄冰寒鄰笛山  
陽之賦風流雨歇牙琴海上之音每展讀未終不禁涕  
之洩瀾也

請祀康太僕鄉賢祠揭代

竊惟明禋之報千秋法施於民則祀聖哲之傳弈禩維  
桑與梓必恭景先達於幾由旬立太上之三不朽柳仲  
郢位更九鎮家法貽徽范希文功在八州義莊飫德山  
斗允推夫邦族雲疊合薦於膠庠伏見本邑已故原任  
江南河道總督

予告太僕寺少卿加三品卿銜康基田華胄誕靈茗春  
啟秀孕井參於畫野采耀汾原時衡霍以抒奇聲翔晉

李文恭公文集

卷四

聯體文

五

嶠爰以甲科之選蔚爲申甫之才製錦雷封鶴市欽其  
廉正移麾電燭羊城凜若神明迨宏河內以遠謨遂綜  
海東而敷厯三遷特簡八座興居香花之供氤氳甘棠  
之港絡繹以天下爲己任暘雨羹梅如保赤而誠求水  
火衽席其惠政則難更僕數其鴻伐則可約略陳溯自  
鹽筴度支漏天石補壚榛翦剔寒谷春回釋芻芟於南  
突東囂蘇餓殍以左餐右粥廣文翁之行縣洞啟精廬  
積段直之藏書瑩開雅館蓋美俗使者口碑交頌以三

公而水利圖經脈絡尤通夫九曲鯉渚防而重樓聳峙  
龍江導而千澮渠彌雉堞幾危瓠歌皓旰蛇盤宛迹稻  
浸漉池王尊叱水於金隄河公獻策殷肅引陂於石開  
天海分甘陽侯戢浪以扶持星使臨流而諮讚五十載  
風雲慶會砥柱迴瀾十二篇禹貢纂元

溫綸倚畀臣心如水

帝鑒在茲且夫體立者用行事業端在性功之表根楸  
者實遂忠臣必於孝子之門故植品莫先五倫而推恩

李文恭公文集

卷四

駢體文

三

足保四海原其宅衷豈弟賦稟子良祭不逮存墮瀧岡  
之老淚敬以將愛舞萊子之斑衣數平反大獄以悅慈  
顏活億萬生靈而延母福至於蕭齋畫粥少日多艱姜  
被聯床中宵耐冷薄宦讓西頭之屋誼篤士龍孤舟歸  
季子之喪神淒斷雁官舍以銅盤會食階庭之玉樹成  
行孝友於家是亦爲政施濟能眾何止於仁或陸氏莊  
營感名場之知己或千鈞髮引續熒戶以零丁或昭品  
藻於章絲或掖俊髦於連策或居大不易贈米長安或

賓至如歸暨茨公室凡此善懷之充益孰非治行所蘊  
函以是翼贊

兩朝參軌四佐丰標謇諤晚節餘香

主眷優崇成勞永念秋宴婆娑乎白髮老臣終始以丹  
心大常之紀六功旂旆彪炳君子之澤五世閭閻羶薌  
迄今清德樓高勲賢里舊觀張相鳴珂之第碩望依然  
登魏公畫錦之堂私榮何敢腹詠心歌者半宇內耳濡  
目染者徧國中彼蔽芾覃懷例奉漢家都尉豈粉榆耆  
艾尊遲魯殿靈光太史氏秉筆以書績斯偉矣鄉先生  
沒祭於社禮亦宜之洪惟

聖代旌賢嘉儒林丈人之選敢附公評著嫩進太平宮  
府之型合遵功令以臚言請附上儀而享祀庶幾高山  
喬木卽車服禮器以低回遺韻流風如日月星辰之瞻  
仰



祭唐母王太恭人文代

嗚呼紺采霜飛北第抱萱花之痛碧流春杳南湘悽班  
竹之詞況詹畫像於甘泉母儀是式而悼禮宗於慈蔭  
戚邨何依惟我太姻母唐母王太恭人者春江韞毓秋  
水精神嫺內則於名閨協相莊於嘉耦咳華潔白芝膳  
流馨燈火然青芸窗伴影固已珩璜其度婉婉其躬矣  
夫何玉樹生埋寶笄中折杜鵑啼血酸落日以繁音寡  
鵲將雛慘孤兒於遺腹亡蒼碧而不見坐夔室以無言

李文恭公文集

卷四

駢體文

七

太恭人經以持紉髮而就蓐麻衣如雪蘭芽瑟瑟之秋  
乳淚交流苦枕呱呱之泣天乎不弔命也如何於是攬  
蕙含哀茹荼耐苦晬盤保抱施雀飯以禳災總角摩沙  
授熊丸而課讀鄭絡秦箏之側宛轉書聲男錢女布之  
先殷勤荻畫遂使零丁黽勉秀出班行片甲蜚騰光生  
世胄哲嗣育庵農部以拔萃掇高科主司徒爲清秩官  
袍在笥五色承歡綽楔表間

九重旌節拜

絲綸之稠疊集冠佩於孫曾信食報於其身而種福自  
無量也上月爲太恭人七旬壽育庵將乞假歸獻金母  
之尊效萊子之戲鋪陳家慶報答春暉乃燕市低徊方  
盼娥阿月朗而鸞駟縹緲忽驚織室星沈丹砂之續命  
無靈畫閣之含飴不再一門天老九族風枯龍媪鴉孀  
銜恩涕泗魚丁雁戶戴德欷歔宜育庵襍被奔馳瞻廬  
擗踊奉殘機而何恃探宿桶以長號也已某孫策登堂  
茅容共飯絳紗數拜託子舍之昏姻彤管爭書熟辛劬  
之往事將晉羽觴於眉壽倏攀瑤馭以心摧敬上東芻  
悲深歌薤三千界靈旂宛爾神還兜率之宮六十年列  
爵巍然淚墮瀧岡之表

李文恭公文集卷五目錄

湘陰李星沅石梧著

男概桓編次

滇南軍書

蔭興堂提軍

蔭興堂提軍

蔭興堂提軍

蔭興堂提軍

李文恭公文集

卷五目錄

蔭興堂提軍

蔭興堂提軍

蔭興堂提軍

李子廉鎮軍黃惺溪觀察

李子廉鎮軍黃惺溪觀察

黃惺溪觀察

黃惺溪觀察

蔭興堂提軍

普安園廉訪

寶篋谷太守

寶篋谷太守

黃惺溪觀察

蔭興堂提軍

普安園廉訪

普安園廉訪

蔭興堂提軍

李文恭公文集

卷五目錄

蔭興堂提軍

丙午十一月初九日

查前據順甯文武節次稟稱大小猛統回民糾集千有餘人在於緬甯城外新寨等處搶擄燒殺勢甚猖獗請卽派員調兵前往救援等語當經陸立夫中丞札委署池西黃道會同李鎮前往查辦並移知尊處就近相度機宜如一時未能肅清尙煩旌麾親往以資震懾等因在案迄今日久尙未據李鎮稟報起程而順甯府縣疊次稟催均以該鎮並無回信查此次緬甯鬧事是否盡

李文恭公文集

卷五

滇南軍書

一

係回人抑有游匪附和肆行不法律所必誅該鎮聞信之餘自應飛馳前往迅速勦辦或卽驅散以靖地方似此觀望諉延殊屬有辜職守沅甫經莅任尙未能熟悉情形且相距較遙難於懸揣務祈速飭李鎮選帶弁兵兼程前往認真勦辦並於各要隘堵截以防竄擾毋使蔓延現聞雲州亦有屯聚匪徒二百餘人稱係公浪回民是否緬甯散歸抑由他處糾往均祈督飭確查妥辦萬不可任其泄視如該鎮不能得力卽希大旆親臨總

期早就救平。以杜後患。否則曠日持久。貽誤因循。責有攸歸。沅斷不敢稍存回護也。竚望德音。以紓懸系。

又十一月十三日

再承另示緬甯回務。沅於初九一函。業已縷陳清聽。此舉利在速了。久恐勾結蔓延。且以烏合之徒。意存敲磬。非兵威懲創。必不知畏知感。後患終無已時。沅甫經抵滇。又兼撫篆。省城根本重地。相距較遠。勢難遙制。邊情所有台旆行止。俟黃署道確信。卽由大才酌定。務協機宜。至騰越李鎮久未起程。會勦沅以事關重大。不敢不據以入奏。除抄摺咨行外。仍祈迅飭前往。刻期辦竣。沅亦不肯爲己甚也。

再查此次前後所調各營官兵及貴標隨營兵數。並維西土練左守備土練約計已將四千名。聞緬匪不過千餘人。如果我兵到齊奮勇敢前。似亦可供策遣。至昭通鶴麗等兵程途太遠。徒稽時日。兵在精不在多。高明自有勝算也。

又十一月十四日

頃接本月初九日專弁賚來手書備荷藻飾感初無已  
承示緬甯匪徒滋擾業經大旆親臨督辦具見公忠勇  
敢籌畫周詳實深欽佩查該匪等藉口滋事衅非一日  
雖經各前院疊次查辦無如愍不畏法猖獗如前此次  
相持日久糾聚日多緬甯甚爲可慮若不實力懲創何  
以上紓

聖注下拯民生今得閣下整我師旅兼程前進自當立

李文恭公文集

卷五

滇南軍書

三

解倒懸惟緬甯與順甯一帶隘口四路可通必得酌派  
官兵逐層圍堵使彼內無可食外無可援乃不戰而自  
困且免此拏彼竄冀淨根株業經飛飭該管文武分途  
堵禦無使滋蔓仍希就近相度形勢飭令周密掩捕以  
期迅速歲事至滇省界連外域漢夷雜處匪徒乘機劫  
搶勢所難免亟應嚴行拏究庶可行旅相安現在永平  
公浪等匪曾否解散已飛札永昌府協嚴查尙祈隨時  
示悉稍慰懸系

又十一月十六日

本月十四日曾具一檄頃接池西鎮道合稟該匪等燒殺搶奪緬甯村寨爲之一空甚至將雲州處決重囚二名搶劫逃逸目無法紀至此已極必得厚集兵力痛加勦辦庶可以靖邊圉現在該鎮道已行抵該處惟兵力較單一時恐難得手沅已查照來稟飛札飭調普洱鎮兵五百名新營營兵三百名威遠營兵二百名令曾經出師之將官管帶星飛馳往以資調遣計此時台旆帶李文恭公文集

卷五

滇南軍書

四

兵業已早發務須迅抵該處指示機宜或併力合攻或分途策應以符奏案并飛催原調弁兵迅由緬甯後路抄入以資夾擊其交界各處嚴密防堵最爲目前要著前經沅札飭各屬文武在於緊要隘口層層堵禦仍祈就近相度地勢札飭各營分布防禦嚴行盤詰以免竄擾禱切禱切

又十一月十七日

十七日專弁持回復書并另件備悉一切快諭蜺旌於



十四日啓行計期迅抵順城督飭進勦或分途抄截或併力合攻想洞悉機宜自有得心應手之妙慰甚企甚承示加調臨沅元江新習共兵千名亦當加札酌辦惟俟各路兵齊曠日持久深慮匪黨滋蔓若昭通劉鎮相距更遠誠恐緩不濟急現由沅就近派委果副將前來聽候左右撥用尙有愛副將一員亦擬俟其過省時酌令續往管帶似不乏人也其紅岩彌渡蒙化等處止可就近派撥防堵步步爲營遠來則疲於奔命矣至緬甯李文恭公文集

卷五

滇南軍書

五

匪黨嘯聚自須前後夾擊乃可迎刃而解若雲州劫囚之犯據署牧來稟似未屯集州城所云挖濠築寨就令實有其事恐亦本地回民自守之計未必卽爲外匪抗拒情形祈再飭確探爲要又緬甯近事單內有十九日夷練與張富兩下交鋒一語殊滋疑竇豈張富已有反覆耶亦望查實見示兵家重在偵探千萬的確要緊至醜類誅不勝誅此時必加懲創以挫兇焰或訪出首從各犯的名卽四處分貼賞格有能設法擒送者予銀若

干雖未必卽有應者而要犯與游匪未始不兩相猜疑似亦用間之法廉訪略爲清理卽令赴順不過資以共商至如何相機克敵調度籌防迅速了事要惟閣下是賴鎮道亦必同心相濟也土練可用左大雄土練更可用但肯加倍出力亦必加倍賞之事在緊急豈暇顧惜小費耶回類雖繁總宜處以鎮靜遙惟鴻才布置令反側皆安不肯治絲而棼也密咨一件千萬祕慎勿宣又李登魁陳章二員熟悉營務似應留標照料以免兼顧李文恭公文集

卷五

滇南軍書

六

統祈酌之。

又十一月二十一日

本月二十一日接十八日自蒙化移來手翰備悉壹是查該匪等雖經屢次撫馭無如狡黠成性反覆靡常不能不痛加懲創惟聞緬甯道阻文報稽遲亟應遣役偵探實情并設法疏通或旁探小路始可擇要進剿否則兩地懸揣必滋貽誤如另箋所云裹脇之說似以仇敵爲同袍恐以告者過也其普洱等鎮營官兵前經查照

飛札飭調大約不日到地西地南官兵旣因回寨甚  
多均應駐守彈壓未便再調卽祈就近迅調各夷練以  
佐兵力之不逮此間論邊務者皆云兵不如練民練不  
如夷練未必可信但以兵費賞之使之助我兵威其耐  
苦敢戰誠匪徒所望而生畏者事當先其所急想早籌  
畫及之幸勿再任鎮將游移致賊黨愈積愈多也目今  
順郡經費孔亟昨接署西道黃守來稟已飛檄永昌蒙  
化兩處趕緊運錢接濟因蒙化回寨最多誠恐勾結四  
李文恭公文集 卷五 滇南軍書 七

出沅業經出示曉諭並調楚雄協兵三百名前往防堵

其神舟渡等處亦經派撥臨沅鎮兵四百名堵禦並聽

候閣下隨時調遣矣

又 十一月二十六日

正盼捷音適接二十日自西牛街發來復書知台旌尙  
未抵順而鎮道十三四日兩次所發之兵又在把邊關  
駐紮尙未前進殊深焦灼雲州匪徒如何聚衆抗拒現  
無實在情形我兵自應徑趨緬甯先攻首惡設雲匪竟

敢動作一面轉戰直前打通道路一面從順甯飛移重  
兵前後夾擊使彼腹背受敵方爲正辦乃李鎮僅據風  
聞匪黨日多遂令弁兵徘徊中路試問把邊關偏近雲  
州豈我兵久駐之所且不慮雲匪藉口以爲我兵自往  
尋衅耶若牛街里民呈詞未必無因止應如示差探確  
實密速酌辦仍當外加鎮靜切忌驚疑其蒙化各口要  
隘沅已飭調楚雄兵三百名迅往防堵此時如加調重  
兵先駐縣城竊恐無故自擾又生荆棘爲今之計總以  
李文恭公文集

卷五

滇南軍書

八

緬甯爲急務緬甯圍解他處自望風斂跡若四路徵調  
不務進勦勢必曠日持久賊黨益多從何收拾且李鎮  
王擁重兵置危城於不顧軍令具在其能當此重咎耶  
凡省囑匪不靖偏近迤東昭通所轄一百二十里皆川  
匪出沒之地屢經嚴飭劉鎮親往分途堵截自難分身  
來西昨已飭催果副將往供驅策頃又派愛參將馳往  
會同呂遊擊管帶普洱威遠等營官兵從緬甯後路進  
發以備兩路夾擊現當軍門親莅鎮將亦不乏人必能

相度機宜痛加懲創無令鎮將遷延以期安速藏事臬  
司卽赴大理籌辦糧餉轉輸文臣職在督催不能望其  
披堅執銳也外調兵數目清單祈檢入

李子廉鎮軍黃惺溪觀祭

十一月二十三日

二十三日連接十四日發來各函備悉一切所論皆極  
精當全仗卓見不疑約計蔭提軍日內已抵郡城子廉  
總戎卽可帶兵前進雲州聚集之眾是否卽係劫犯匪  
徒其現無動作情形或本地回民畏禍自保亦未可定

李文恭公文集

卷五

滇南軍書

九

官兵所過未必敢於邀截卽使中藏叵測順郡之兵亦  
可前往接應彼亦腹背受敵此時要策惟在設伏出奇  
尤在鼓勇速戰否則曠日持久經費虛糜且匪類日聚  
日多勢成滋蔓誰任其咎本地之練不如夷練近聞夷  
練之外該匪等最懼楚人附近炭廠各山湖廣客民甚  
夥招而用之或可得力彼匪之肆無忌憚由於曾未喫  
虧若能大加痛懲必可一戰而定所有各路要隘已密  
飭文武防堵並酌派楚雄兵三百名駐紮彌渡馬台渡

一帶臨沅兵四百名分駐神舟谷口等處以防該匪竄逸隨帶委員不敷差遣前已由省派委夏光煜等正佐四員如就近另有可用之人卽由札調不必拘泥至甯台汪牧方伯以銅務要緊且聞永平一路不甚安靜該員不能赴順自亦實在情形也候補經歷劉祖崑聞於順緬一帶尙爲熟悉有言其能任招練等事者擬令馳赴左右以備策遣

又十一月二十七日

李文恭公文集

卷五

滇南軍書

十一

再承會函及另示節略謹已備悉一誤再誤豈容更誤數語實爲卓見定論大要不出於此現在先其所急似宜進攻緬甯其逆形顯著罪無可赦誠能腹背夾擊聚而殲之餘黨自可膽落應以夷練制勝而以官兵助威重賞之下必有勇夫前函及立翁柳翁皆有書寄塵清聽想碩畫早爲見及不以惜費游移也至雲匪如何抗拒日久未得實情或官兵經過不問密爲準備如敢直前邀截卽於順城分遣精兵飛往應援一面打通赴緬

大路擇要拒守使彼兩不相顧或亦化險爲夷之策倘  
止觀望不前徒稽時日坐任賊黨布置周密且各處游  
匪乘機竊發勢更難於兼顧不幾成束手耶前商普洱  
威遠各營兵由緬甯後路進勦頃復添派愛參將馳往  
會同呂遊擊管帶並由臬司札普洱府威遠廳就近調  
派夷練隨往應用果能一鼓作氣兩路合攻何難迎刃  
而解如彭署守謬悠之說迤西豈有廓清時耶雲州已

不可行

另委署臬司卽往大理事機緊要惟在一戰而勝提戎

李文恭公文集

卷五

滇南軍書

七

書來亦經縷悉復之祈晤時借閱以供採納佇望捷音  
臨池翹祝

再緬匪滋事日期業經兩次奏報並聲明飛飭鎮將帶  
兵往勦距今將及兩月倘仍未接一仗未翦一賊若爲  
無事者然則所調官兵究在何處所敘逆匪近作何狀  
此次月摺斷不能不附奏而又斷不能著筆萬分焦灼  
至雲州回村謀抗務得實在情形似應明張示諭專拏  
劫囚重犯不問其餘若承平狗街等處匪徒搶掠能否

派兵巡查暫資彈壓俟大處得手再商移兵辦理故緬甯禍首利在痛勦尤在速勦且勦賊宜聚不宜散能逐層圍裏使不外竄我兵併力攻之乃刻期收效耳

黃惺溪觀察 十二月初四日

昨見前月二十四日所發復立翁書藉悉一切兵少固當持重兵多尤戒久延賊匪果聚雲州則緬甯駐兵正可留爲後路待前路進勦即可兩下夾攻賊黨雖合我兵必分不得聚於一處或暗或明或虛或實或設伏邀

李文恭公文集

卷五

滇南軍書

七

擊使彼前後不相顧或譌言離間使彼黨羽不相能如回寨有砲眼須用攔牌避之而以火箭火球自外轟內如回匪工伏箐須踞高阜望之而以擡槍擡砲自上擊下第一偵探要緊探得確實密行傳令動手又須聲東擊西迅速掩捕兵法攻其不備未有待其備而後攻者設彼恃險負隅但我兵四面堵截逐層圍裏使之內無可食外無可援亦可不戰自困又往來函札須屬提鎮諸君千萬閱畢存內斷不可令他入見之走漏消息事



機隨時難以遙制全賴運籌決勝佇報好音劉經歷所云是否可行祈酌量差遣爲要再聞雲州回寨有隧道繞出象山之後務須偵探確實密伏堵截毋使抄出轉爲所困切切

又十二月初六日

初四日密布一函頃接前月二十六日會銜公牘及兩荷賜翰備悉一切緬匪逃歸雲州究竟現作何狀有無顯肆抗拒實偏處此頗費周章如提軍來函所云先令

李文恭公文集

卷五

滇南軍書

三

交出重囚及商同劫囚各犯實爲扼要辦法前派楊令馳往亦經籌畫及此乃該令自順而回太不曉事已嚴加申飭復飭迅往雲州確切查探或有端緒就近乞密示機宜委員會辦如回寨負固不服則師出有名不至又貽口實耳又提軍函稱先攻雲州樂黨然後進攻大小猛統豈樂黨已有反側耶心甚訝之鎮康土司來稟語氣頗壯得批示剴切儘可藉以有爲果能擒送賊首必不靳優敘重賞行軍用人之道非此不爲功也陳典

史孛獲漢奸較鄉練差強人意然使各處鄉練節節防阻雖未爲勁旅賊亦安能來去自如耶蒙化現駐重兵并飭孝參將管帶防堵廉車之出亦屬其相機前進所需經費米糧屢與薇垣籌畫并札永昌大理隨時接濟統望權宜辦理無以專擅爲嫌此舉駕輕就熟惟左右是賴外此因人成事豈堪倚爲長城耶多察少發益加恢宏之訓謹心藏之并望隨時導我先路也

蔭興堂提軍

十二月初六日

李文恭公文集

卷五

滇南軍書

十四

頃接前月二十六日惠函欣知台旆已抵順甯兩路官兵共到三千餘名左大雄土練并維西猓猓練亦計日可到當兵力厚集之時仰藉戎略指揮自可迅就敕定緬匪雖經退散而雲州毗連回寨諸多牽制且無抗拒實跡亦早爲籌慮承示先飭交出被劫重犯及起意并犯各首從實爲此時要著如能擇要圍裹脇以兵威辦理漸能就緒竟可無煩開仗則更妙矣鎮康土司所請我兵果有餘力亦可扼要兼顧旣壯夷目之威且寒

餘匪之膽似爲得計至樂黨本張富巢穴該犯現在何處如公然反覆勢難稍事姑容若止消沮閉藏尙祈濟以權變使彼無所藉口而我有以藉手庶萬全無患也其兵練圍捕勒交軍械一節應是收場文字此時尙難驟辦又加調維西兵三百名暫駐蒙化防堵卽當如示札飭但此係果副將以爲得力之兵或屆期再聽調用耳外雲州地圖及兵數清摺均收入

普安園廉訪

十二月初六日

李文恭公文集

卷五

滇南軍書

五

昨據鎮道來稟緬甯匪徒因聞官兵將至均經退歸雲州回寨且有一股逃入灣甸夷地等語查該匪等屢次滋擾反覆靡常若不痛加懲創爲害無已卽雲州劫囚一案係奉

旨勾決重犯亦何能任其遠颺現在所調各路官兵屈計次第雲集沅業已批飭該鎮道上緊奮力相機攻剿至蒙化地方扼要現派重兵彈壓如台旌莅榆後察看應須前進卽祈就近派駐藉壯聲威亦免他人藉口是

所翹禱

寶篋谷大守

十二月初九日

另箋并地圖領悉此事利在速了總須先操必勝或出奇設伏或間道夾攻雲州患在無形似應速出明示專拏劫囚重犯一面剴切曉諭良回令其各自爲衛俾不至中道梗塞俟緬甯得手即可迎刃而解也或云夷練較得力想已籌商及之

又

李文恭公文集

卷五

滇南軍書

七

頃得初二日惠書知緬匪逃散之由意在我歸彼出且雲州現有聚匪我兵如果進攻則衙署倉監先須保護卽順城附近亦應加意提防而兵砲得手尤在居高臨下虛實相生誠得雲回知畏能將重囚獻出自由長材商辦何忍玉石俱焚從來治匪之法不外解散其黨多樹之敵設伏出奇以攻不備至其備而後攻則非所敢知矣彼在離合之間者來示已見肺肝如何動中機宜萬全無患全仗在事諸君悉心圖之非千餘里外所能

懸揣也夷練居兵之先民練亦兵之助必不可廢能分段堵截處處與賊爲難縱不能稱勁旅賊敢出入自如耶來質之回似無歹意千萬開誠待之不必爲叢毆雀也

黃惺溪觀察 十二月初九日

頃展初二日惠書備悉各夷練光景似芒市土練如果得力卽由鎮軍飭調當無不應但恐緩不濟急卽維西獠獠練甫報前月二十七日起程亦須月望抵營矣現

李文恭公文集

卷五

滇南軍書

七

在酌派已定進兵次第想俱全局通籌慎重出之多一處卽多一處布置矣鎮軍與陳都司左土弁自能勇往直前餘均有伏有應有留守諒彼烏合小醜可尅期殲之也鄉練得簡明示勸已有振作之概將來善後結局不外此法雲州如獻出要犯則兵力有餘又可相機行事總之大處得手餘卽迎刃而解事機間不容髮惟老謀深算動合機宜非他人所能遙制也緬甯兵練必爲後路之用彭牧何故措留實爲憤憤銀餉已飭藩司弁

永騰各處徑解順城但須加倍慎重以免疎失所獲漢  
奸數名已於提軍書中商及矣

蔭興堂提軍 十二月初九日

頃得初三日發來翰教兵練現經酌派前後分合接應  
留防布置妥貼此舉定操全勝緬圍已解普威官兵士  
練應再札催抵順備用必不可任其扣留也各民練既  
肯堵截匪徒不敢橫行卽好消息久之當轉弱爲強矣  
雲州赴順回民願留作抵似獻囚邀恩尙非虛誑但恐

李文恭公文集

卷五

滇南軍書

六

良不敵匪力有未逮非兵威鎮懾未必如願以償或再  
准續限一次更爲仁至義盡彼亦無所歸怨想卓見已  
早及之永騰距順較近前飭協撥銀兩應卽令其徑解  
廉訪暫駐大理亦當速其赴蒙所調劍川兵二百名卽  
飛札止之委署已如示照辦矣又密示漢奸一節沅意  
現獲數犯旣據審明探信屬實似可擇其尤重者卽於

營前請

令正法以昭儆戒否則效尤者多將視爲無關緊要也

普安園廉訪十二月初十日

頃接提鎮函稟官兵指日進攻銀餉由大理轉輸略嫌迂折所過之處亦難放心不如徑解順郡至旌旆移駐蒙化聲氣始可相通一切指麾彈壓均較大理爲便事關軍務沉於奏委摺內聲明前赴要隘分駐卽祈高才酌之時行則行毋滋他人以口實也外錄提戎來函所覽入

又十二月十二日

李文恭公文集

卷五

滇南軍書

九

承示一切自是防於未然第雲順有事之秋必應先其所急前准提軍函稱大理以寬留兵力已資鎮定現在要緊辦法惟當諄飭府縣會營靜密防範并督勸城鄉漢回示以誠信曉以利害一體團練保衛不得無故自擾若復區分黨類草木皆兵則隨處成荆棘矣且蒙化地勢扼要彼處重兵駐守正以防護榆城昨函已經專致祈卽酌度前往以符奏案

蔭興堂提軍十二月十二日

頃接初六日大咨并承示兵練已於初四日攻燬樂黨  
初五日已往雲州勦辦等因查樂黨爲張富巢穴現經

此最要緊

官兵攻燬張富蹤跡究竟如何計酌定進兵次第先攻  
樂黨亦必師出有名且雲州回民曾乞交出劫囚各犯

此最要緊

此時能否如約或藉兵威震懾辦理較易得手殊深盼  
切如果緬甯逃匪聚集抗拒其罪卽不容誅統希振勵  
戎行相機策應奮迅勦辦至各鄉團練誠能合力堵截  
該匪等所至輒窮亦可不戰自困祁泰數次出力幸有  
李文恭公文集 卷五 滇南軍書 三  
以獎勉之其被傷練民亦必查明賙卹是爲至要



李文恭公文集卷六目錄

湘陰李星沅石梧著

男概棟編次  
梳

滇南軍書

黃惺溪觀察

蔭興堂提軍

黃惺溪觀察

蔭興堂提軍黃惺溪觀察

李文恭公文集

卷六目錄

李子廉鎮軍

寶篋谷太守

蔭興堂提軍黃惺溪觀察

普安園廉訪

黃惺溪觀察

蔭興堂提軍黃惺溪觀察

蔭興堂提軍黃惺溪觀察

黃惺溪觀察

蔭興堂提軍黃惺溪觀察

蔭興堂提軍黃惺溪觀察

蔭興堂提軍黃惺溪觀察

黃惺溪觀察

蔭興堂提軍

黃惺溪觀察

黃惺溪觀察

普安園廉訪

李文恭公文集

卷六目錄

蔭興堂提軍

蔭興堂提軍

黃惺溪觀察 十二月十二日

十二日接初六日書承示一切樂黨之攻自因張富而

發是否實有反覆顯迹前隨明大興往諭雲州曾否回

家此時蹤跡卻在何處既燬其巢彼必颺去將來如何

要緊

著落恐又費手也孟守文搜出書信看其詞意似樂黨

第一要緊

之人亦有糾約不從者此次所斃是否皆係抗拒匪徒

至六十餘石之糧為數無幾尋常積聚亦不必定為豫

謀總之彼處情形省中不能遙揣務祈閣下會商提軍

李文恭公文集

卷六

滇南軍書

一

妥確辦理萬勿多添頭緒為要雲州獻囚一說既有質

第一要緊

當之人似宜脇以兵威仍行勒獻以得罪人為主不可

第一要緊

促令遠颺否則殺僂雖多渠魁漏網未為勝算也緬甯

首要各犯必須查出姓名在雲州者幾人在樂黨者幾

第一要緊

人聚則盡力殲除散亦及時搜捕務在受創者皆係惡

類庶不枉眾人如許勤勞耳

蔭興堂提軍 十二月十五日

十五日接誦會函聆悉一切雲州既為賊窟敢於抗拒

官兵自宜全力攻之。承示兵力尙單。續調者亟應飛催前進。初五日開仗。獲勝。士氣奮興。左大雄身入重圍。保護眾官。而出勇敢之狀。如於耳目間遇之。似此出色將材。必應倍加愛惜。謀而後戰。庶保萬全。涉險蹈危。非兵家所尙也。務祈獎而戒之。緬甯後路兵。到可以腹背夾攻。倭陳二將營在象山。深得地勢。仰攻不如俯擊。但得火器猛利。無難一鼓而殲賊渠。旣聚於斯。張馬亦皆在內。或俘或馘。萬不可使乘閒脫逃。小猛統匪黨尙多。恐其潛復勾合。所有雲細臘丁一碗水等要隘處。所務必逐層堵截。加意嚴防。汪海等殺賊立功。深堪嘉尙。陳得功此次出力。似不及左大雄。或因左兵在前。而彼策應在後。耶所傷兵練。共有幾名。務祈飭各查明。優加賞卹。蒙化一帶防兵。漸次可齊。所有調度機宜。均望精心擘畫。沅惟遙欽。勞動。側聽好音耳。

黃惺溪觀察

十二月十五日

十五日接初八日會函。并承另示。聆悉種種。雲州聚匪。

竟至如許之多且敢縱放獄囚搶劫倉貯不法已極初五日之捷各將弁均能出力殲賊多名而左大雄奮勇敢前尤爲難得閱至保護各官幾爲賊困一節有膽有識誠爲忠勇可嘉萬不可以輕蹈危機使賊玩視務祈獎其奮勉戒其輕進彼旣爲賊所憚不可不加倍愛惜使出萬全來示謂回寨極堅宜用計破實屬要論象山踞回寨之上居高俯擊自勝仰攻陳得功等於此紮營已得地勢千萬不可動搖致爲賊踞緬甯兵練亦來一

李文恭公文集

卷六

滇南軍書

三

千餘名腹背夾攻可以截其去路中間或用閒諜寓以不測之機臨時設伏出奇務在算無遺策張馬二犯旣據奸細供出在內其爲反側無疑此時若不擒殲縱去必爲後患海老陝亦係上次有名之賊斃之實可稱快所有出力兵練務卽加賞以鼓其氣各將弁果能擒渠獻誠必當保奏以敘其勞陳得功與左大雄前此齊名似此次之摧鋒陷銳陳不如左亦當有以激勵之所需經費已飭藩司籌解高經厯所解萬金已由大理轉運

計可早到現委呂震光又解一萬徑赴順甯接濟斷不  
使閣下爲難至緬甯撫卹難民亦宜就近查核委員酌  
帶銀兩或卽隨大營直過雲州該府等稟請由省另行  
委員誠恐緩不濟急又臘丁一碗水等處爲雲緬要路  
仍宜駐兵堵截卽小猛統一路亦宜加意防範在內者  
恐其逸出在外者亦恐其突入瞻前顧後不可不四面  
慮到也

蔭興堂提軍黃惺溪觀察

十二月十八日

李文恭公文集

卷六

滇南軍書

四

十五日馳復寸箋頃張弁持回初九日會函快悉灣子  
渡逆回沈沒三百餘名如果實有其事似兇徒久干神  
怒罪惡貫盈計日可就殄滅惟雲州要犯屯集機會大  
好必須聚而殲之乃不虛此一舉賊巢負固不服難在  
枕山倚河官兵現踞象山當備槍砲俯擊一面選帶勁  
旅前路進勦復於南橋及濱河要隘逐層圍裹其勢立  
窮聞回寨無柴日須取給寨外此亦足制其死命總之  
渠魁授首餘匪自然膽落須防突出遠颺又成撲空之

勢且四散竄擾分我兵力更難於合龍矣若此士氣方振民夷同仇或暗伏明攻或先聲後實或用奇計離間使彼自相魚肉或設間道要擊使彼自蹈網羅卽賴憂及鎮康灣甸各土司亦須許以重賞令其協力助勦俾彼進退兩難一切熟計深籌惟望就近相度密爲指授徒勇未足恃也臺馬遞信較捷然亦多至八九日引望捷音臨池翹企

李子廉鎮軍

十二月十八日

李文恭公文集

卷六

滇南軍書

五

頃專差持到初五日惠函備悉我兵先攻樂黨卽行進勦雲州該回寨恃險負隅窩留要犯此皆亡命兇狼必須全力制之旣防夜間衝突尤慮分夥遠颺凡兵練屯集處總須或實或虛參用勁旅無令窺破攻我之瑕而象山憑高南橋扼要更須重兵防守切勿爲彼所乘聞回寨無柴日須取給於外此可制其死命兵在謀不在力在精不在多台旆現駐把邊關兩路均可策應如左土弁陳都司皆奮勇敢戰須以機宜授之計出萬全不

可輕於嘗試致損威重又緬甯後路如臘丁一碗水等處皆須留意駐兵毋令匪黨來去自如也

寶篋谷太守

十二月十八日

頃張弁賈回初九日惠翰雲州要犯窩集我兵較易著手惟須近圍遠截使彼無隙可乘旣斷其軍糧復絕其柴火俟其窮蹙思竄以槍砲踞象山擊之或故留一生路暗用精兵伏隘聚而殲旃使不終於負嵎又不至於漏網渠魁翦滅餘黨自散他處亦聞風斂跡矣賴曩足李文恭公文集卷六滇南軍書六

資牽制應再派弁密諭屬其奮勉合力許以重賞鎮康灣甸各土司亦然誠得官兵夷民聯爲一氣各要隘防堵嚴密計日諒可報捷諸勞籌策企予望之兵練重在緝拏要犯不准妄殺商販良回及安分住回此卽造福無量來示先得我心矣

蔭興堂提軍黃惺溪觀察

十二月十九日

頃接十二日所發惠函欣悉左土備於初九日帶練力戰安營象山我兵實爲得地并閱其來稟如何攻打圍



困籌辦甚合機宜兼擅勇略欣愛之至卽如來示加銜  
尙覺賞不酬勞佇待捷音當以入告若倭陳兩將官均  
能似此得力賊巢不足慮賊渠立可擒矣再誦寄諭該  
土弁各件所以體卹而獎勉之者亦極無微不至深得  
鼓勵之道李鎮克循指示亦必濟以權謀無虞鹵莽該  
匪象山營盤當時曾否擠散所有州署倉監現在作何  
光景時切懸系據漢奸所供賊勢已漸窮感事機萬不  
可失總望十三日一戰成功卽如天之福矣寶守日在  
得惟深浩歎

普安圍廉訪

十二月十九日

李文恭公文集

卷六

滇南軍書

七

左右可資商推而廉訪乃欲調榆已飛札止之人才難  
蒙化地方緊要現駐重兵防守前函已備言之雲州軍  
務喫緊寶守在彼正資商推勢難跋涉數百里面領機  
宜頃已飛札令其仍留順甯矣沅軍旅未學地形未諳  
雲順距省較遠惟責成在事文武上緊相機勦辦斷不  
敢任天而動轉滋貽誤承寄示稿自爲開導而設但須

分別明析若竟云四圍進勦恐致回眾驚疑不可不慎  
重出之也省餉由大理路稍迂折沉已札飭徑解并聞

黃惺溪觀察

十二月二十一日

十五十八十九等日連復要函計均青照比望雲州捷  
音以日爲歲未卜十三日甲子進兵能否執銳披堅擒  
渠婦穴次卽重兵密布逐層圍裹時以遊兵環擾使彼  
火藥內罄柴糧外絕亦可刻日成功左練移營象山如

定計開仗自須先用火器俯擊焚燒賊房使彼內潰卽

李文恭公文集

卷六

滇南軍書

八

關維西練頗勇往

預調猛將精兵管帶維西普威各勇練分攻回寨六門  
使彼不能兼顧至其情勢窮蹙巢穴仍堅或故留一隙

地而以最得力之兵練設伏要隘突起擒殲視回寨路

徑偏仄較易得手并可防其設阱陷害埋藥轟焚諸暗

算從前滑縣負固曾用地雷轟之我兵現在高阜穿鑿

屬其小心似攻不如圍也

不易但須防賊出此耳又城中良回不乏或用小白旗

上書協擊逆匪各保身家八字設法傳入令其自相猜

疑并禁止鄉民賣給柴草一面勉其上緊團練奮勇殺

賊又火器火藥鉛子等項必須重兵防守恐其冒險來窺夜間尤宜加意又州署州街會否派兵堵截倭陳兩將所帶之兵及李鎮續往督勦現在紮營何處千萬慎之又慎總期壁壘精嚴聲勢聯絡重賞必罰以作士氣近攻遠截以杜賊蹤乃爲必勝之道省門相距較遠而籌慮之懷幾廢寢食遙想在事諸君子更不知如何辛劬也

正封函間適接十三日惠書備悉緬甯現無餘匪惟被

李文恭公文集

卷六

滇南軍書

九

難民人亦宜資送遣以庶無他慮務祈就近酌發銀兩諄飭妥辦至高神所解餉銀頃據大理府稟十二日始行起程其中後二批由省徑解之項計年內外想可陸續收入容再飭司源源接濟總以此舉決勝爲要師克在和卽遠如緬甯亦望平心酌示籌辦俾之妥帖箕谷精細有識幸無聽其赴榆也

蔭興堂提軍黃惺溪觀察

十二月二十一日

頃又得十三日公函藉悉十一日雲州續戰幸李鎮軍

督兵開砲殲斃賊徒我兵練均叨清吉慰甚十二大雨  
十三稍晴未知雲州天氣何似省城則十四五日均小  
雨雪甚盼彼中晴煖軍士溫如挾纊也刻值逆匪竄集  
必應一鼓殲除始可絕其他擾惟若輩亡命兇狠似宜  
奮迅之際勝以機謀兵練爲數頗多必用遊兵分擾而  
留勁旅衝堅如左土備所云輪攻坐困彼卽猛如虎狼  
未有不疲乏者但須防其突出遠颺耳他如隨處堵截  
以斷接濟隨時激賞以壯聲威想鴻才共濟必早籌之

李文恭公文集

卷六

滇南軍書

十

熟矣

又 十二月二十二日

二十一日甫遞復信旋得十四日公函并總局收銀清  
摺均悉卽飛札前途催令李鑑呂震光所解軍餉二萬  
兩上緊兼程赴順復飭司速撥一萬兩卽日委員徑解  
當軍務喫緊之會斷不令撥項稍遲致多掣肘惟約計  
每日所需夫馬鹽糧似不及來示之半豈別有賞項耶  
抑如俗云寬打窄用耶此間支絀光景諒在鑒中樽節

鉤稽無煩辭費。惟盼我兵及早得手。匪黨一律廓清。斯則同心所怵幸耳。

黃惺溪觀察

十二月二十二日

載展十三日還雲。及復查緬甯公牘。知初四日密函已達。將才難得。慨想同深。夙聞李子廉尚稱勇敢。陳得功甫膺超拔。亦當奮勉圖報。與左大雄合力爭先。及早奏捷。提標汪海亦似可期得力。他如威遠把總張寬。張成泰。普洱守備安如嵩。把總陳國樑。維西土弁王榮。聞尚李文恭公文集卷六 滇南軍書 十一

矯矯卻不甚。悉要在鎮將之多方激勵耳。我兵安營象山。尚距賊寨二里。火器一切自須臨時應用。尤須逐層布置。四面合圍。其內驚潰。其外窮迫。乃可分途截擊。堵穴擒渠。至彼後山。砦口既寬。深如許。未必卽無出路。且防在我營山脚。別伏暗阱。乞飭再加確探。以備不虞。現在賊燄方張。亟須全力懲創。招撫投誠。均非當務之急。惟仗運籌決勝。共審機宜。爲一勞永逸之舉也。緬甯已如示飭。委張倅往辦。但恐其來稍遲。能就近先爲酌

撥以資接濟爲要

蔭興堂提軍黃惺溪觀察 十二月二十三日

雲州將士志切同仇誠宜順時加賞惟屬蓄養精銳一戰成功尤須加倍嚴防無因年前大意致該匪等乘間潛逃又成猛庭空寨總期相機運策能如裴晉公之入蔡州狄武襄之奪崑崙則大快人心矣其餘乘間追勦及者殲之不及者指名勒拏示以脇從罔治窩留者一併治罪似可事半功倍不至治絲而棼之也至雲州獄李文恭公文集 卷六 滇南軍書 三

中逸囚亟宜多張告示曉諭明白但肯及早歸來照律分別減等彼知自首便宜或者聞風而至易於了結又營中如需銅砲約重幾許省門儘有存者祈酌示所嫌搬運太喫力耳又劉經歷所陳一節據現在兵練齊集困彼彈丸似可不煩另計

又 十二月二十三日

聞雲州倉穀均被賊匪搬回如果屬實則彼中糧足無須外間接濟卽柴草亦可拆屋代薪殊難使之坐困自

以奮勇攻勦爲宜而攻勦之法必須乘間出奇示以不測或用游兵驚擾而以勁練衝堅使彼力不能堪或向寨門環攻而以大砲俯擊使彼勢不能顧計維西土練猛猛練此時已到合之左練及普威各練爲數已在二千外况大兵數千亦可合力助勢卽使有賊千餘拚命敢戰而其黨旣分其力亦薄寡不敵眾較易得手或嫌兵練尙少如劉經歷所云是否可用亦當及時商酌幸毋拘坐困之說曠日持久成算茫然俾賊匪以逸待勞

且恐奸詐百出更不堪爲設想彼時卽將在事鎮將據實登之白簡一面出省督勦大局已不好看統惟碩畫會籌以紓焦慮又彼中火藥斷不能多我兵時以虛聲誘之使盡或亦制勝之一道我兵高踞象山非俯偪賊寨火器亦無所施須逐層移近堅不可犯始可相機行事否則兩不相干矣再彼中情形似宜利用大砲猛烈及遠長於攻堅尙爲賊巢所未有但須防彼襲奪爲虎添翼耳約計兵練此時六倍於賊卽以十當一亦可決

其必勝豈將士皆木偶耶何以聽其戰守自如也

又 十二月二十四日

頃得十八日惠書藉悉雲州十三四日接仗情形我兵尚稱得手而左備稟稱緊守各路不容回匪出入一語尤爲現在要法該匪旣偷運子藥則寨內所存無多正可以此制之其南柵往西一路誠能堵截嚴密賊巢不攻自破更須多用游兵時用冷槍散擾賊藥更可立窮其堅不出巢固將乘隙而動亦愛惜子藥之意也天雨李文恭公文集 卷六 滇南軍書 十四

宜慎新年尤不可忽總趁風日晴和兵練齊集或分或合四面環攻或近或遠槍砲轟擊其繞寨深礮但能推倒圍牆立卽填平牆上砲眼更無所用惟須先用攔牌鼓勇向前耳左練著實可靠外此維西練亦向稱得力猛猛練光景何如李子廉當濟以謀陳得功宜策其進同爲戰將豈甘讓左備爲巨擘耶

黃惺溪觀察

十二月二十四日

本日辰刻得十六日惠書及另錄二件并誦所致雨亭



書備悉戎幕公勤獨當鉅任鎮將同心協力兵練氣亦奮揚負嵎小醜但能絕彼火藥外無應援計日當可埽穴惟擒渠最關緊要所遣質回前往若能適如成算妙不可言否則四面攻擊總以重圍斷毋令其逸出鎮康李荃輩方資牽制必以重賞啗之無與賊和醜類雖不可勝誅然使兵練漢夷聯爲一氣大處辦理得手渠魁就擒餘卽勢如破竹且先聲所樹聞者屏息固不必枝枝節節而爲之也順城根本重地自宜如示留防昨得李文恭公文集

卷六

滇南軍書

五

廉訪書二十日當往蒙化地勢較爲扼要糧餉接濟屢飭司道籌備約年內外三萬金尙不乏新正再商徑解毋勞盡塵

蔭興堂提軍

十二月二十四日

二十四日接誦十八日惠書并雲州地圖藉悉種種三四日連次接仗均尙得手深慰懸念惜爲雨阻未能及時成功然屢挫賊鋒聲威已壯各將弁果能合力偏近攻勦自可迅速歲事惟祈碩畫精心隨時指授俾其

遵循辦理無致疎懈。承示所派翼長均稱得人。惟普威帶兵官紀律不嚴。濫用夫馬。昨已由司咨請查辦。如果任意騷擾。必須立予嚴參。另示指陳一切實能洞見本原。慮遠思深。誠爲一勞永逸。此次已用全力。斷無將就了事之理。應俟雲州辦結。再行相度機宜。固不能盡事芟夷。亦不可使留餘孽。此時該匪等各處糾結。全在防堵得宜。果皆如左大雄之布置有方。無難隨處截殺。天意欲殲其類。則元惡大憝。自必盡入網羅。如實在獲犯。李文恭公文集

卷六

滇南軍書

七

訊供指出首要名目。藏匿處所。卽行開誠徧諭。勒令捆獻。務期悉就肅清。聞風知懼。庶可不勞而定耳。

黃惺溪觀察

十二月二十五日

劉經歷旣已到順。聞軍事頗曾閱歷。亦熟悉雲緬道路情形。或當令其雇練。抑或就現雇之練。令其管帶。似以前往大營。隨李鎮軍諸人分起。應敵爲得臂助也。楊令如無可用。卽飭回省。銷差現當用人之時。已往不必深計。使貪使詐。高明自有權衡。斷不肯爲疾之已甚也。至軍

務貴在慎密武職函稟類多假手營書最爲漏洩務祈  
諄致留神爲要

再提軍密示一節所見非不切至惟自古行兵之道必  
先知已知彼而後百戰百勝以雲州近事觀之不過千  
餘之匪三里之寨我兵練多逾倍徒合力進攻尙且累  
旬未克則兩路辦法談何容易且彼類雖眾豈無良莠  
縱云圖搶亦有富貧何能不區分解散若必激之使彼  
合毆之使我離頭緒絲芴荆棘徧野就令元戎勝算所  
向無前而若輩流離失所沿途蹂躪不堪究竟作何收  
拾實非不才所與知尤非不才所敢任也書云威克厥  
愛卽在殲厥渠魁八字之下願爲一再誦之爲今日計  
但得雲州就緒首要殲除餘卽分別勒拏再接再厲各  
兵練漸成勁旅各鄉練皆切同仇似烏合匪徒尙有廓  
清之日邊防重大非特當慎於事而尤必慎於言知蓋  
畫精詳用敢附及祈代爲密致焉

二十五日密奉一書頃接十九日公函藉悉運籌妙用  
妥貼精詳如此舉成功則保全實多我兵亦萬全無  
患積德足興于門矣設此計不行惟有諄飭鎮將奮勇  
攻勦多方以窮其軍火分途以疲其筋力我眾彼寡我  
直彼曲賊巢雖堅斷無不能破者但恐勢感狂奔如南  
橋各路均可拚命逸去僅遺寨內婦穉何忍竟予駢誅  
則勦撫均無所用又虛此大舉耳區區之見非以煦煦  
爲仁但能分別良莠庶乎心安理得至求其生而不得  
則亦無如之何火炎岷岡玉石俱焚豈敢稍存姑息貽  
害無窮耶雲州劫去之囚旣爲小猛統拏獲卽應給以  
重賞并派顧署牧帶兵迎提但須密之又密不可再有  
疎失切屬切屬

查地圖似北面攻打未易得手應於西南以精練衝堅  
而仍於北面以遊兵分擾使彼兩不相顧又我兵須逐  
層逼近爲要

頃接二十三日丹楨備悉安抵蒙化一切順手各回寨  
節經剴諭近皆知感知懼可見至誠動物未有不從善  
者惟祝雲州兵練刻日成功懲創之餘聲威丕振以次  
悉致救安卽爲滇中之福承示分防各處自極周妥總  
以地方扼要將士肅清嚴斷接濟解散黨類乃不虛此  
布置耳軍餉火攻均關緊要現經精心籌度尤深佩慰  
沉因徐中丞調補粵東奉

旨仍兼署撫定於新正月初二日接篆事繁力薄逾切冰  
李丈恭公文集卷六滇南軍書  
兢何以教我

蔭興堂提軍

十二月二十八日

頃接二十日憲翰承以此次出征兵丁日支鹽菜銀三  
分頗不敷用沉亦深爲懸念卽祈就近商酌每名每日  
加賞一分或新年前半月格外再加少許以資策勵凡  
行軍制勝全在一鼓作氣斷不可稍形畏怯計雲州兵  
練齊集爲日已多賊巢雖堅總以分起環攻使彼力不  
能顧自可乘間襲取務望嚴明督飭及早合力進剿無

至老師糜餉坐費時日千萬盼切至各營應修軍械帳房當如示飭司上緊籌款飭發施守備如可調署亦當卽爲加意寶守留順早已飛札行知矣

再賊所必由之路務須派兵堵截并恐冒險逸出猝不及防須於密箐設伏而當路多掘深坑上掩浮土草皮使其奔突陷入立往殲擒若竟令賊逃出卽將某處帶兵官先以軍法從事乃可不至鬆勁連日甚盼好音似左大雄帶練駐守不如初聞奮勇萬祈多方激勵迅奏李文恭公文集 卷六 滇南軍書 二

膚功不勝佇望之至

又 十二月二十九日

比翹盼捷音以日爲歲未知前計能否應手如不可行亟應嚴飭攻勦賊巢雖堅不過土堡非石城碉樓可比果能將士鼓勇四面分起環擊寨匪寡不敵眾其勢必窮若坐耗時日必至奸謀愈出奸黨愈繁且以危言分勁旅之心又以假言懈我兵之力師老而怠勢緩而疲誰能當此重咎已另札嚴催李鎮相機合力先壯聲威

